



朔方備乘卷第二十四

考十八

艮維諸水考

額爾古訥河

格爾必齊河

黑龍江

混同江口以北東北海諸水

臣秋濤謹案中國與俄羅斯以水分界有三曰

額爾古訥河曰格爾必齊河曰楚庫河楚庫在

漠北下游入色楞格說見色楞格河源流考其
額爾古訥等二水皆在艮維宜詳著之以備考
核至黑龍江爲艮維大川自中國肯特山發源
東北流出卡倫入俄羅斯境千餘里過尼布楚
城復東行入中國境凡興安嶺以南長白山以
北鉅浸細流靡不匯注以入東海康熙年間羅
刹所侵之精奇哩江牛滿河恆滾河諸處皆黑
龍江所受之水乾隆年間俄羅斯東北部落被
災欲借黑龍江運糧蓋自尼布楚城舟運入海

以達甘查甲部也是良維諸水關繫北徼邊防
誠不可闕而弗書臣秋濤謹博稽羣籍臚列於
篇

額爾古訥河

額爾古訥河爲中國與俄羅斯分界之水

臣秋濤謹案康熙二十八年分界石碑云將

流入黑龍江之額爾古訥河爲界河之南岸
屬於中國河之北岸屬於鄂羅斯卽此河也
一作鄂爾姑納河一統志云額爾古訥河在

齊齊哈爾城西北二千里龍沙紀略云黑龍
江以南拖心河以北諾尼江以西鄂爾姑納
河以東八圍人索倫地鄂爾姑納河以西枯
輪海以北鄂羅斯虞人地黑龍江外紀曰額
爾古訥河每歲齊齊哈爾察邊者卓帳南岸
河之北俄羅斯地

其上游曰克魯倫河

臣秋濤謹案克魯倫河一曰臚胸河一曰喀

噲倫河一曰克魯連河一曰合綠憐河一曰

客魯連河一曰怯綠憐河一曰陸局河

或云唐拔

野古部之康干河
即此未知其審

源出車臣汗部中右後旗大肯特山東南

臣秋濤謹案大肯特山在喀爾喀敖嫩河源

之南即克魯倫河發源處山之東南有二水

流出為克魯倫河水道提綱曰克魯倫河源

出肯忒山東南百餘里支峯西南麓兩源西

流而合又曰克魯倫河源直河套北二千餘

里肯忒山脈西北自敖嫩色禽嶺有東南一

幹東爲忒勒兒卽嶺又東爲卽龍嶺又東起
頂爲肯忒山甚高大山北麓卽敖嫩河也山
又東百里許折而南行數十里其西南麓二
水西流而合是爲克魯倫色禽在西六度六
分極高四十八度四分在敖嫩色禽東南三
百餘里

西南流納數小水轉東南流

臣秋濤謹案克魯倫河西南流北納集隆河
特勒爾集河又南流西納巴彥集魯克山水

博爾肯河折東流經右翼中前旗北納儂庫

爾河提綱曰克魯倫河又西流而合又西數

十里有一河東北亦自肯忒山南麓西南流

而會齊召南曰即北別源也又西南流經肯忒山頂之

南齊召南曰去山頂數十里受北來之衣魯河又西南受

西北自即龍嶺來之即龍河又西南至布塞

山之東南麓齊召南曰布塞山即忒勒兒即嶺南幹盡處有撒納

河東自必兒喀嶺之西麓西流合東南一水

來會齊召南曰必兒喀嶺即肯忒山之東南幹山也又東南有一河

北自忒勒兒卽嶺東南流來會又西南有白

勒育河西北自土喇源山之東麓東南流來

會又西南至噶拉泰嶺之東

齊召南曰自嶺西北之水皆西

入土喇自嶺東北又西南二百餘里至兩山

間

齊召南曰岸東山卽必兒喀嶺之西南幹山又南百餘里起頂爲巴顏烏喇山勢甚

高大其岸山西自興安嶺來過平地東爲呼商阿山北有呼查不拉河南有噶老台及

袞鄂模二池水又東過平地有此山綿亘而東南二百餘里許克魯倫自源西南流至此已

四百數

十里 循山麓折而東南流經巴顏烏喇山

西麓至南岸山盡處共二百數十里稍折東

流有孫可勒河亦曰僧庫勒河即僧庫爾河

轉也自北合三源南流沙中隱見不常來注之

齊召南曰河在巴顏烏喇山之東活拉灰圖之西南其水長三百餘里以行沙地若隱若見

經拖諾山南麓

聖祖御製碑前

賜名飲馬河

臣秋濤謹案克魯倫河又東南百數十里自

沙地經拖諾山南麓康熙三十五年五月丁

卯 聖駕親征噶爾丹駐蹕是山

御筆勒銘曰瀚海蕩蕩臚胸泱泱親御六

師我武維揚震雷霆威讐日月光翦厥兇醜

安定遐荒提綱曰山在河水之北河自會孫

克勒河東南流前臨沙漠北岸無山者百餘

里惟此地有大山西南與大漠中之拖拉哈

山遙遙相望

轉東北流塔爾河自北來入之

臣秋濤謹案克魯倫河轉東北流經右翼中

左旗車臣汗旗流二百里許塔爾河亦名他

拉几爾即河發源右翼中左旗之東又東南

流自北來匯提綱曰克魯倫河於山前稍折

東北流數十里又東北經喀勒河朔山北麓

齊召南曰山在巴顏烏喇山之東又東北百

數十里有他拉几爾即河西北自必兒喀嶺

西南麓合二源東南流沙土中四百餘里隱

見不常來注之齊召南曰此水自出山行沙地中亦若隱若見其東為烏

郎袞布
拉克也

又東北流貫沙漠間經右翼左旗左翼右旗左翼中旗中左旗左翼左旗中左前旗中前旗界

臣秋濤謹案提綱曰克魯倫河又東北數十

里經小山西北麓

齊召南曰小山曰厄窩得哈兒哈南隔漠百里為烟

秃山又東南百餘里為才里剛阿山又東南三百里為翁文卓托魯可山又南三百餘里

為查漢七老碑山又東南二百里為杜蘭喀喇又東南五百里為察布圖山又東南為蘇

尼特部落此渡漠要道也自小山北渡河即厄勒莫山之西南麓地曰克勒布里社又西

北曰得兒白勒克布拉克即北岸厄勒莫山

又西曰烏郎袞布拉克之西南麓也 齊召南曰山脈西北自必兒喀嶺東幹東南至此為厄勒莫山

其東北幹則數千里綿亘不折東流數十里斷包敖嫩河南岸諸水東北

至東南麓兩岸沙漠又東北流齊召南曰有古爾板撥拉

龍山三峯並立在南三百里至庫路鄂模南岸沙中四十里許

稍東經西拉得克西撥各山之陰齊召南曰漠中小山

又東百里中有沙洲曰尤兒呼尤東北流百

餘里經必拉城南齊召南曰漠北僅有此城隔河而南有乾諸可客蒲

山綿亘而東北者百里許即他本托羅灰也臣秋濤謹案此城即巴爾和屯又東

經杜勒鄂模南齊召南曰池在城東十餘里又東河心有

沙洲南岸為他本托羅灰之北麓折東南流

月... 卷二... 良維諸水考

又東流二百里至南岸小山折向東北百數
十里至南岸大山東北麓折東南流百數十
里其東岸山卽古爾板包活特也至南麓折
東北流百數十里折向正北數十里又東北
流中有沙洲其東南岸外則杜勒鄂模也

又東北入呼倫貝爾城界瀦爲呼倫湖

臣秋濤謹案呼倫湖一作呼倫池一作枯倫

湖一作枯淪湖一作俱輪泊一作闊灤海子

一作枯倫河一作枯倫海在齊齊哈爾城西

北一千一百七十里東距呼倫貝爾總管駐

處二百五十里周五六百里有潮汐

黑龍江外紀曰

黑龍江精奇哩江嫩江三江皆無潮汐呼倫貝爾二池有之潮來以朔望挾魚出水無算近其地有風變土人賴魚以活潮之力也產五色鹽不煮可食唐

書室韋最西有烏素固部與回紇接當俱輪

泊之西南又云北大山外曰大室韋瀕於室

建河河出俱倫

臣秋濤謹案室建河即黑龍江而唐書云出俱倫者蓋黑

龍克魯倫二川既合得以互受通稱也

迤而東合那河

臣秋濤謹案即

今嫩江

忽汗河

臣秋濤謹案即今呼爾哈河

又東貫黑水靺

鞞故鞞鞞跨水有南北部而東注於海地理

志回紇有延特勒泊泊東北千餘里有俱輪

泊泊之四面皆室韋明金幼孜北征錄闊灤

海子有山如長堤以限水遙望水如高山但

見白浪隱隱此水周圍千餘里幹難臚胸凡

七河注其中

臣秋濤謹案幹難河即黑龍江並不匯入呼倫池此明人傳聞

之譌也皆謂此湖也又按通志別出庫楞湖詳

其源委方向即此湖而誤分爲二也提綱曰

克魯倫河又東北曲曲流三百里經阿兒坦

厄莫兒山之東北瀦為枯倫湖

齊召南曰克魯倫自源東

北流至此已二千數百里在黑龍江齊齊哈爾城西一千三百餘里

自西南而

東北長徑二百餘里東西闊百餘里周可五

六百里

齊召南曰自中偏東六分至東一度四分自極高四十八度七分北至五

十度四分湖西三十里有巴留拉泰山東北近岸有噶兒巴里山正北有敖勒即塞克忒

山龍沙紀略曰枯輪海週而千里在黑龍江

之南開拉里河之左其南有烏里順河烏蘭

泉及俄羅斯之克魯倫河皆北來會於此由

鄂爾姑納達江克魯倫河發源之山與黑龍

江源阿母巴興安嶺東北相望亦大川也

臣秋

濤謹案方式濟誤以克魯倫河出俄羅斯境辨見黑龍江條

鄂爾順河首受貝爾池水匯其東

臣秋濤謹案鄂爾順河一作鄂爾遜河一作

烏里順河一作烏順河一作五順河貝爾池

一作布雨爾池一作布育里海一作布育里

鄂模一作布伊爾湖卽古捕魚兒海譯音之

異也呼倫貝爾城總管駐此二湖之間因以

爲地名故通志亦作呼倫布雨爾一統志曰

布伊爾湖在齊齊哈爾城西一千二十里喀

爾喀河西北流至此匯為大湖又北流為五

順河此湖亦有潮汐黑龍江外紀云貝爾池亦作布爾池國語布

雨二字切讀成貝故並存之古名捕魚兒海方數百里亦產鹽在總管駐處西南三百五

十里蒙古境內之喀爾喀河是其源而北流為烏爾孫河則呼倫池水之所會也提

綱曰克魯倫河瀦為枯倫湖有烏里順河自

東南布伊爾湖會喀爾喀河諸水北流來會

正當湖面之正東又曰烏里順河上源曰喀

爾喀河有數源最東者出阿魯他拉奇嶺之

西麓有池廣數十里西南流出百餘里而南
源合三水西北流來會又西南流百餘里有
一河合三源自北西南流來會又西分爲二
支一南流有阿母巴哈兒渾河合三水自南
來會又西流與北一支復合又西流有衣藍
塞漠河頗大色禽自北大山西南流二百餘
里來會又有一河自西北合三源亦南入之
又西南受南來之哈爾渾河又西有噶兒查
布魯克圖河自東南南合噶兒圖思太河及噶

兒巴哈尼河二水北流來會又西有活兒活
河自南來會折西北流經客勒河朔地之北
其北岸有小山又西北百餘里受東北來之
呼魯思太河又西北二百里折而西流百里
許曰喀爾喀河折西南流數十里分支渠西
南匯爲巨澤曰布伊爾湖亦曰布育里鄂模
形如瓜瓠自東北至西南徑百四五十里東
西徑七十里亦俱淪泊之亞也自正北流出
百數十里曰烏順河中有沙洲受西南來之

烏藍布勒克水又北曲曲流二百數十里折而東北又西北流入枯倫湖此水源流長一千餘里龍沙紀略曰枯輪海東南八百里內有噶爾必海烏蘭海布育里海以受南北山之水其支河七曰阿母巴哈爾渾曰伊闌色模曰喀爾扎布魯克圖曰訶爾訶齊曰西巴拉泰曰呼魯思泰曰喀爾喀各以距三海近者入之而仍由烏里順河北注以枯輪爲歸

宿

哈拉爾河匯其東北

臣秋濤謹案哈拉爾河上源曰特諾克河出

呼倫貝爾城東山二水合西流北合扎敦河

又合北來一水又西依奔河出其東南山二

水合西北流南合輝河來會又西北臣秋濤謹案圖

說作東北經呼倫貝爾城東墨勒根河出其

東山二水合西流來會又西北臣秋濤謹案此西北圖說

亦誤作東北今考正瀦於呼倫池此水亦名開拉里河

黑龍江外紀云呼倫貝爾通稱海蘭兒指凱喇爾一河亦音轉也臣秋濤謹案凱喇爾即

開拉里也提綱曰克魯倫河自湖東北角分二支

流出一支於噶兒巴里山之西北地東北流

有開拉里河自東合諸水西北流來會又曰

開拉里河源出諾民河源山之西麓有兩源

西流而合又西數十里有一水自東南來會

又西百里有查薩河自東北來會又西百餘

里合南來一水又西稍北百數十里有忒納

克河自東北合三水來會又西北數十里有

衣本河自東南山合兩水西北流又合南一

水又西北曲曲數百里與南來之灰河北經
西百山者合而北流來會又西北數十里有
烏蘭鄂模自東北合莫勒根河之水西南流
來會又西稍北曲曲四百里許經達哈得兒
山南又西與枯倫湖東北流出之水會此水
源流千餘里

復從湖東北溢爲額爾古訥河

臣秋濤謹案提綱曰自出枯倫湖東北流經
黑龍江索倫界兩岸無山土人名爲額爾古

訥河實克魯倫河也又曰開拉里河來會後
又西北流數十里而一支正北流經敖拉卽
塞克忒山東麓者又東北數十里復合又東
北流數十里經車里山之東其東岸爲西樓
兔山之西麓今會典圖說作西羅圖山

東北流霍爾津池水自西來入之又東北逕阿
巴哈圖卡倫東

臣秋濤謹案霍爾津池

提綱

未載在察漢鄂拉卡

倫南池水北流合西來一小水又東流逕蘇

克特卡倫南又東至阿巴哈圖卡倫東南入

額爾古訥河

又東北流蒙克西里河入之又東北和倫河入
之又東北眉勒爾喀河入之又東北謨里爾肯
河入之又東北牛爾河入之又東北伊穆河入
之

臣秋濤謹案額里古納河東北流逕蒙克西

里卡倫西北蒙克西里河發源達罕德爾山
自東南來匯又東北流逕額爾德尼陀羅蓋

卡倫西北又東北流逕庫克多布卡倫西北

和倫河出內興安嶺合諸水自東南來匯又

東北流眉勒爾喀河合二水自東南來匯分

界碑云南岸之眉勒爾喀河口所有鄂羅斯

房舍遷移北岸即指此也又東北流逕巴圖

爾和朔卡倫西北又東北流謨里爾肯河源

出伊勒呼里山合三水自東南來匯齊召南曰隔山

即呼瑪爾又東北流逕巴雅斯呼蘭圖卡倫河源也

西北又東北流逕烏裕勒和齊卡倫西北又

東北流牛爾河源出伊勒呼里山合二水自

東南來匯又東北流逕巴彥珠爾克卡倫西

伯爾布拉克卡倫珠爾特伊卡倫西北伊穆

河源出伊勒呼里山西北麓合二水自東南

來匯提綱云克魯倫河又正北曲曲二百里

折而東北二百數十里又折正北流有振河

臣秋濤謹案振河當
作根河字之譌也自東南合活輪河臣秋
濤謹

案卽和
倫河等五水西北流來會又正北曲曲二

百里有忒兒布勒河臣秋濤謹案卽
眉勒爾喀河自東南

合兩水來入之又東北百數十里有謀里兒

肯河臣秋濤謹案即謨里爾肯河自東南合三水來入之

又北流數十里折東北百里許有牛勒河臣秋濤謹案即牛爾河自東南合四水來入之又東北二

百餘里有衣母河臣秋濤謹案即伊穆河自東南合兩

水來入之

又北流逕分界摩崖碑東又北與黑龍江會詳黑龍江

龍江 篇內

臣秋濤謹案 欽定皇朝通志與俄羅

斯分界碑額爾古納河摩崖提綱曰額爾古

納河又東北流三百里兩岸有山齊召南曰

必兒喀嶺之東北而黑龍江自西來會齊召南曰

幹綿亘至此而盡東四度極高五十二度七分此河南臨龍沙

大漠源流長三千八百里徑十四度紀略記黑龍江曰其自界碑橫而東也河之

自南而北入江者四曰鄂爾姑納河曰末河

曰厄牧勒河曰旁庫河鄂爾姑納為俄羅斯

界河故其名獨著小河匯此而入江者十有

一曰依木曰牛耳曰黑里兒肯曰特爾布爾

日根曰開拉里曰伊密曰特納客曰魁曰莫
勒根曰札敦而伊密特納客魁莫勒根札敦
五河又匯於開拉里以入鄂爾姑納達於江
按方式濟所言水名與今輿圖或同或異錄
以備考

格爾必齊河

格爾必齊河爲中國與俄羅斯分界之水

臣秋濤謹案康熙二十八年分界石碑云一

將由北流入黑龍江之綽爾納卽烏倫穆河

相近格爾必齊河爲界循此河上流不毛之地有石大興安以至於海凡山南一帶流入黑龍江之溪河盡屬中國山北一帶之溪河

盡屬俄羅斯一作格爾弼齊河一作格必爾

齊河一作奇里比其河一作吉爾巴齊河臣

秋濤謹案此河有二其在烏魯穆河東者名

格爾必齊河其在烏魯穆河卓魯克齊河西

者名安巴格爾必齊河龍沙紀略作昂班格

里必齊河亦名大格爾必齊河分界石碑卽

建於安巴格爾必齊河東岸黑龍江北岸

源出西北興安嶺合四水東南流入黑龍江

臣秋濤謹案一統志曰大格爾必齊河在黑

龍江城西北一千七百九十里分界石碑在

河之東又格爾必齊河在城西北一千六百

九十里提綱曰黑龍江經界碑南有昂巴奇

里比其河自西北山合四水東南流來會齊

南曰界碑中偏東一度四分極高四十七度四分龍沙紀略記黑龍

江曰其自界碑橫而東也河之由西北而南

入江者九曰阿集格格里必齊曰卓爾克奇
曰昂班格里必齊曰俄羅曰倭爾多昆曰烏
里蘇曰博倫穆達曰額爾格曰必勒覃也按
方式濟所言水名多與今圖不同錄以備考

黑龍江

黑龍江古黑水也

臣秋濤謹案黑龍江滿洲語曰薩哈連烏喇

薩哈連謂黑烏喇謂江也卽古漠北之黑水
靺鞨室韋所居山海經西望幽都之山浴水

出焉郭璞注浴卽黑水蓋黑水之名始見於
此北史謂之完水魏書謂之貌水唐書謂之
室建河黑龍江外紀曰遼史始有黑龍江之
稱道宗本紀太康三年夏四月泛舟黑龍江
前此未之見然觀地理志太祖陵有黑龍門
祖州有黑龍殿陵殿並在上京並名黑龍又
似遼初卽名黑龍江陵殿因以爲號者近人
以金史有混同一名黑龍之語遂謂黑龍江
名至金始著失之遠矣黑龍江亦稱烏江

聖祖泛松花江詩源分長白波流迅支
合烏江水勢雄又稱烏龍江
聖祖御

製
福陵神功聖德碑北暨嫩江烏龍

江罔不臣服吳兆騫長白山賦出乎松花之
陬注乎烏龍之外蓋本諸此至盛京通志
曰濱瀛海以帶龍江又曰龍江合流而左注
則直可以稱龍江矣又曰黑龍江水黑古名
黑水土人亦稱黑河松漠紀聞諸書謂黑水
掬之微黑是已然特據其上游或下流言不

知既受精奇里江以後未會混同江以前其
間水色黑黃各半分界劃然鱗蟲出沒恆就
黑去黃所以然者精奇里江水黃而濁故也
然則世有碧黑合流不混之說不爲無據但
黃碧差不同耳又曰黑龍江深十數丈閩人
善泅者嘗暑月測之言其下巨石如削寒不
可耐又曰黑龍江歲以九十月乃冰天命元
年征薩哈連部師次江上忽冰結如橋梁旣
濟而半捷還結如初時方八月初旬此天助

也江欲冰前數日先有薄冰片片順流下曰
冰牌復有所謂老羌牌者自俄羅斯淌來往
往有人畜行跡見於上冰既壯嫩江厚等身
黑龍江過之以此驗其地尤寒所謂積陰之
處冰厚六尺晁錯之論不誣

上源曰敖嫩河出喀爾喀車臣汗部西北境肯

特山

臣秋濤謹案敖嫩河一作鄂嫩河黑龍江外

紀作鄂倫河元史作幹難河

臣秋濤謹案或作幹難者字之

也譌元太祖始興地也自喀爾喀界內肯忒山

西之忒勒爾几嶺西北小肯忒山東麓發源

齊召南曰肯忒山高大爲漠北羣山東至大海之祖山之西支阜曰卽龍嶺又西曰忒勒爾几嶺凡諸嶺以南水皆流入克魯倫河以北水皆流入敖嫩河敖嫩源處曰敖嫩色禽在克魯倫河源西北三百餘里實小肯忒山土人呼爲阿卽格肯山山南爲喀爾喀地山北爲鄂羅斯國邊界嶺之北麓水卽楚庫河源北流入色楞格河者嶺之南幹山西南麓水卽土喇河源西南流折而西北會鄂爾昆河入色楞格河者此嶺爲漠北一大分水嶺敖嫩色禽西八度極出地四十九度弱自小肯忒山東北行爲大興安山包絡黑龍諸水之北而東入海一支折而南分爲二幹一東南爲大肯忒山起頂又東南爲必兒喀嶺諸

山爲北黑龍南克魯倫諸水之界綿亘千餘里至會合處一西南爲圖拉源山又南爲噶拉泰嶺折而西南爲興安嶺爲東克魯倫西土喇諸水又西南而西北至土喇會鄂爾昆河處自此而西北羣山皆以阿爾泰山爲祖若論正當漠北大分水之脊一東至東海一北至北海則莫高於肯忒山矣臣秋濤謹案肯忒卽肯特又作墾特皆一山也又按龍沙紀略云黑龍江源明一統志云出北山盛京通志亦祇云出西北塞外今按江源出俄羅斯境其上遊爲敖嫩源出阿母巴興安諸山之南東流六百里與科勒蘇河合又東北八百里受衆流爲黑龍江北會泥樸處河經泥樸處城東又三百餘里北流至昂班格里必齊河界碑入我境東抵察哈鹽峯凡一千五百餘里復東南流六百里經多斯峯呼麻拉故墟之間至額蘇里與精奇泥江合其合處猶東至艾渾數十里也臣秋濤謹案方式

東

濟言江源甚詳然不知敖嫩河發源處本中國境迨流至卡倫外始為俄羅斯地乃直以江源出自俄羅斯是指中國之水為羅刹之川誤之甚矣其指克魯倫河為出俄羅斯境誤與此同臣故錄而辨之

東流轉東南流納諸小水

臣秋濤謹案提綱曰敖嫩河發源東流數十

里折東南流又數十里會北來一水齊召南曰即東

北大幹高山南麓水又東南經忒勒爾几嶺北麓有一

水自嶺之西北流來會齊召南曰亦敖嫩一源也又東數

十里經即龍嶺北麓有一河自北大山合二

水南流來會又東數十里經大肯忒山北麓
有一河自北合二水來會又東百餘里有一
河西北自大山合二水東南流來會

又東南流齊扎婁河入之

臣

秋濤謹案齊扎婁河亦作啟查魯河會典

圖說載敖嫩河發源後皆東北流水道提綱
則云先東南流再折而東流東北流其說較
詳今酌采之提綱曰敖嫩河稍東南流有啟
查魯河西南自大肯忒山折向東南之支阜

東北流來會

齊召南曰此水源隔山西麓卽克魯倫源處西南流西會諸嶺

以南諸水者也

又東南巴爾喀河入之

而東流東北流其流

臣秋濤謹案巴爾喀河亦作巴拉喀河提綱

曰敖嫩河折東北流又折而東百里有巴拉

喀河合二水自西南必兒喀嶺東北流來會

齊召南曰此河卽必爾喀河

又東南齊母爾喀河自南來入之又東南經中

末次旗庫野河自西北來入之轉東北流公古

爾特河自西來入之又東北流阿興阿河自北來入之

臣秋濤謹案齊母爾喀河卽提綱之呼瑪拉

堪河也庫野河出庫野卡倫西公古爾特河

出庫野卡倫東阿興阿河出阿興阿卡倫東

皆自卡倫以外發源南入敖嫩河

臣秋濤謹案此三水

提綱未載其名提綱曰敖嫩河又東南流數十里有

呼瑪拉堪河自南大山合兩源北流來會折

東北流百里有一河合二源西北自大興安

山東南流來會 齊召南曰此大興安山土人曰阿母巴興安甚高大自此

綿亘而東直抵黑龍江入海處山之南為喀爾喀界山之北為鄂羅斯國界山在西六度

半極出地四十八度六分敖嫩自源至此已合九水矣

又東北科勒蘇河自南來入之

臣秋濤謹案科勒蘇河源出中末次旗東北

流合左翼中旗一水經哈布濟朗裕山西北

麓又北流來匯提綱曰敖嫩河又東北二百

數十里有科勒蘇河自西南大山兩源東北

合二水流四百餘里來會又東北百餘里會

西來一河

臣秋濤謹案此西來一水今圖未載

又東流集爾渾河自北來入之

臣秋濤謹案集爾渾河出卡倫外巴彥珠爾

克山南流逕集爾渾卡倫東又南流巴勒集

河自西來匯巴勒集河源出阿魯蘇魯克卡

倫東北山南流逕卡倫東折東流納北來之

哈拉鄂拉河

臣秋濤謹案河出庫謨里卡倫西

又東納北來

一水

臣秋濤謹案水出庫謨里卡倫東

又東與集爾渾河會

南入敖嫩河提綱曰敖嫩河又北折東流折

而東北二百里有巴兒雞河合四水自西大

山東北流五百餘里來會

臣秋濤謹案巴兒雞河即巴勒集河

提綱蓋以巴勒集為正源其時尚無集爾渾河之名也

又東流布裕克圖河入之

臣秋濤謹案布裕克圖河源出巴彥珠爾克

山東北麓二水合南流合東來一小水經阿

嘎楚卡倫西亦曰阿巴楚河又南流有一水

發源集爾博爾卡倫之東自西來匯又南入

敖嫩河提綱曰敖嫩河又東北折正北流百

餘里有阿巴楚河合三水自西來會

又東北流出卡倫界

臣秋濤謹案敖嫩河至車臣汗部邊境河西
爲巴彥阿都爾噶卡倫有二小水東流來匯
河東爲烏爾和特卡倫又東北流出卡倫外
又東北克魯河自北來入之

臣秋濤謹案克魯河亦作克爾河提綱未載
又案此河匯處其東南卽伯爾克卡倫也

又東北特倫河自北來入之

臣秋濤謹案江自出卡倫後卽達俄羅斯境
李兆洛地圖以克魯河猶屬內地自特倫河
以北始爲俄羅斯境不列圖內今考會典諸
書補之水道提綱不言江於何處出卡倫殊
爲疎漏其特楞河卽此特倫河而列於他拉
巴爾卽河之西與會典不同龍沙紀略云江
在俄羅斯境內河之自西而東入江者九曰
巴爾稽曰阿哈楚曰他爾巴哈泰曰圖魯泰
曰他拉巴爾集曰特楞曰俄克碩曰俄倫曰

昂衣德河之自南而北入江者三曰撲拉訶
集曰圖里格曰溫多臣秋濤謹案巴爾稽卽
巴勒集河與阿哈楚河皆在卡倫內匯敖嫩
河方式濟以爲在俄羅斯境內非也其餘水
名與諸書互有異同皆由譯字各殊今並存
之以資考證

又東北塔爾巴爾集河自西來入之又東北納
北來一水又東流圖魯河合一水自西北來入
之又東北流塔爾河自西北合二水來入之

臣秋濤謹案塔爾河匯流處其南即托克托

爾卡倫也

又東北納北來二水又東北鄂克爾河自西北
合一水來入之又東北鄂拉河自西北合二水
來入之又東北阿古河自西北合一水來入之

臣秋濤謹案敖嫩河達俄羅斯境後提綱所

記水名多異今采其說而箋其異同以備考

核提綱曰阿巴楚河來會又北稍東百數十

里有他兒巴哈太河

臣秋濤謹案今圖有塔爾巴爾集河而無此名

合五水自西來會又東北三百餘里有圖魯

泰河臣秋濤謹案他拉巴爾即河臣秋濤謹案當即圖

之塔爾河又圖有塔爾巴爾集特楞河臣秋濤謹案當即

河而次於圖魯河前與此不合案圖有特倫河而次序不合俄克芍河臣秋濤謹案當即

沙紀略作俄倫河臣秋濤謹案當先後自西

俄克碩即圖之鄂拉河
大山來會

又東北博爾集河自南來入之

臣秋濤謹案博爾集河即潑拉活即河提綱

曰又東北百數十里有潑拉活即河自南合

五水北流五百里來會

又東北圖爾格河自南來入之

臣秋濤謹案圖爾格河卽圖里格河提綱曰

又東北百數十里有圖里格河自南合二水

北流來會

又東北温都河自南來入之恩吉德河自北來入之始曰黑龍江

臣秋濤謹案温都河卽温多河恩吉德河卽昂衣得河提綱曰又東北有温多河自南合

五水北流四百里又有昂衣得河自西北大
山東北流合六水折而東南流來並會其口
如十字

齊召南曰西一度四分極高四十六度七分昂衣得河源流長八百里

自此以下曰黑龍江

又東流尼布楚河自北來入之又東經尼布楚
城南

臣秋濤謹案尼布楚河一作尼撲處河提綱

曰黑龍江折而東北曲曲稍北二百數十里
有泥撲處河自西北大山東南流七百餘里

合五水來會

齊召南曰此水源在西二度六分極高四十八度九分

又

東入內地黑龍江界

臣秋濤謹案此語誤當刪蓋尼布楚城已於康

熙二十八年割屬俄羅斯也詳尼布楚城考

經泥撲處城南

齊召南曰

即尼布楚城在中度稍偏西二分極高四十六度八分

又東流復入中國界安巴格爾必齊河自西北

來入之河東有分界碑

詳見格爾必齊河篇內

臣秋濤謹案提綱曰又東南流數十里折向

東北二百里折而東稍北二百餘里經界碑

南即與鄂羅斯國分界處也有昂巴奇里比

其河

臣秋濤謹案即安巴格爾必齊河

自西北山合四水東

南流來會

齊召南日界碑中偏東一度四分極高四十七度四分

又東流卓魯克齊河自北來入之

臣

秋濤謹案卓魯克齊河亦作卓羅克其河

亦作卓羅克齊河亦作卓洛克齊河提綱曰

黑龍江自界碑前東南百里許折向東北二

百數十里有卓羅克其河自西北大山合六

水東南流五百里來注之

又東流烏魯穆河自北來入之

臣秋濤謹案烏魯穆河內府圖作綽爾納色
勒烏魯穆河提綱未載此水

又東北流額爾古納河自西南來會河南有摩

崖刻分界碑

詳額爾古納河篇內

臣秋濤謹案提綱曰黑龍江又東北二百餘

里而克魯倫河西南自枯倫鄂模東北流爲

額爾古納河來會水勢益盛會處在界碑東

北

臣秋濤謹案此謂格爾必齊河界碑也

五百餘里東西度正

極高五十二度七分自源至此已數千里

又東北流墨河自南來入之

臣秋濤謹案墨河龍沙紀略作末河提綱作

謀河內府圖作謨河提綱曰黑龍江既會克

魯倫河東流數十里有謀河自南合三水來

入之

又東北流格爾必齊河自北來入之

臣秋濤謹案格爾必齊河一作哥里比其河

提綱曰黑龍江又東北數十里有哥里比其

河自西北山合四水東南流七百餘里來匯

又東北流鄂爾河自北來入之

臣秋濤謹案鄂爾河一作俄勒河一作俄羅

河提綱曰黑龍江又東北折而東有俄勒河

又自西北合二水來匯

又東流鄂爾多昆河自北來入之

臣秋濤謹案鄂爾多昆河一作倭爾多昆河

一作敖兒多葷河提綱曰黑龍江又東有敖

兒多葷河自西北合三水來匯

又東流烏爾蘇河自西北來入之

臣秋濤謹案烏爾蘇河一作烏里蘇河一作

烏爾斯河提綱曰黑龍江又東百里許折而

東北數十里有烏里蘇河自西北大山

臣秋濤謹

案山之北即

俄羅斯境

合六水東南流六百里來匯

又東北流經雅克薩故城南而東波羅穆達河

自西北來入之額穆爾河自西南來入之

臣

秋濤謹案雅克薩城本索倫部落所居

國朝崇德四年征取之而遷其人以充伍後

為羅刹竊據康熙中平之詳雅克薩城考波

羅穆達河一作博倫穆達河一作波羅穆克

河臣秋濤謹案此水提綱作博魯母打河次於旁庫河之後與諸書不同記以俟考

額穆爾河見內府圖一作厄牧勒河一作厄母里

河一統志作額木里河在黑龍江城西北一

千五百二十里臣秋濤謹案此水會典圖說未載提綱曰又

東流百餘里經雅克薩城有厄母里河自西

南合三水東北流來注之齊召南曰城在東六度四分極高五

十三
度弱

又東北流折南流轉而東流旁庫河自西南來

入之

臣秋濤謹案旁庫河一作旁烏河一統志作

平庫河在黑龍江城西北一千四百七十里

提綱曰黑龍江又東稍北八十里齊召南曰黑龍江東

北流至此而極始折南流數十里折而東流有旁庫

河自西南來匯

又東南流額爾格河自西北來入之

臣秋濤謹案額爾格河一作二哥河提綱曰

黑龍江又東曲曲百餘里有博魯母打河自

北大山東南會四水流七百餘里來匯

臣秋
濤謹

案此水即波羅穆達河也然提綱敘次與會
典諸書不同考之各圖亦不合疑必有誤故

錄而又東曲曲數十里始折向東南流數十
辨之

里有二哥河自北大山合五水南流七百餘

里來注之

齊召南曰此水
源在五十度

又東南流巴爾坦河自西北來入之

臣秋濤謹案巴爾坦河一作必勒譚河一作

必勒覃河提綱曰黑龍江又東南有必勒譚

河自北大山合三水南流來匯此水長七百

里

又東南流瑚瑪爾河自西南來入之

臣秋濤謹案瑚瑪爾河一作呼馬拉河一作

呼麻拉河一作呼馬兒河一作呼瑪爾河康

熙中因羅刹竊據雅克薩城我軍築城於呼

瑪爾與之相持卽此河旁地也一統志曰呼

馬爾河在黑龍江城北六百二十里提綱曰

黑龍江又東南曲曲二百餘里經查哈言哈

打地山西麓又東南曲曲三百數十里經道

土哈達嶺南麓有呼馬拉河自西合數水東
流千餘里來匯又曰呼馬拉河源出衣克古
克達地大山西北流百餘里會西南來一水
又北流數十里折而東北曲曲三百里有一
河合兩源自西來會折東流百里有他哈河
自西南依兒呼里山之北東北流合南一水
而東北來會又東北流曲曲百餘里折東流
又東北數十里有呼卽里河自西北山合二
水東南來會又東數十里折東南曲曲四百

里有一河自西北來會又東南數十里有呼
藍河源曰窩勒可河自西南山東流會南來
三水而東北來會又東南曲曲四百餘里入
黑龍江南岸連山之南諸水皆入嫩泥江

又東南流洶斯河自北來入之

臣秋濤謹案會典圖說有洶斯河無必勒言
河提綱則有必勒言河無洶斯河考提綱載
必勒言河自東北發源西流繞道士嶺東麓
而南入黑龍江道士與洶斯音相近蓋卽一

水也

又東南經烏魯蘇穆丹城南

臣秋濤謹案烏魯蘇穆丹城在黑龍江城西

北三百二十里穆丹譯言河灣乃黑龍江水

中流環繞之灣也提綱曰黑龍江又東南二

百餘里經屋魯蘇木丹地西折而西南二十

餘里折向東南二十里又折向東北三十里

又折向東十餘里又折向西南二十里水勢

凡五曲若鉤已狀

齊召南曰東十度五分至六分極高四十六度四分

又東南流滾河自西來入之

臣

秋濤謹案滾河一作滾必拉哈提綱曰黑

龍江又南流有滾必拉哈合三源自西來匯

臣秋濤謹案必拉譯言河也必拉哈亦作畢爾罕譯言小河溝蓋細流也猶南人言谿澗矣

又東南流庫倫河自北來入之

臣

秋濤謹案庫倫河一作庫蘭河提綱曰黑

龍江又東南流百餘里有庫蘭河自東北合

二源來注之

又東南流額蘇里河自東來入之

臣

秋濤謹案額蘇里河一作厄蘇里必拉哈

提綱曰黑龍江又東南數十里有厄蘇里必
拉哈合二源自東來匯通志曰額蘇里畢爾
罕在黑龍江城東北四百十里額蘇哩城在
黑龍江城西北八十里按此城北卽額蘇哩
畢爾罕故以爲名康熙年間征羅刹駐官兵
於此城

又南流納西來三小水

臣秋濤謹案三小水會典圖說不著其名提

綱曰黑龍江又南百里有殿河自西北合二

源來注之折西南數十里復南有苦丁河自

西山東南流來注之

臣秋濤謹案其上源曰衣士懇河其源西之隔

山水皆西南流入嫩泥者

又正南數十里有厄你必拉哈

自西來匯殿河苦丁河厄你必拉哈卽三小

水之名也

又南流精奇里江合諸水自東北來會

臣秋濤謹案精奇里江一曰精奇尼江一曰

錦衣里江一曰淨溪里江一曰淨溪里烏喇

北自外興安大嶺發源

臣秋濤謹案提綱曰北自俄羅斯國界大

山南流蓋指興安大嶺為與俄羅斯國交界之山也然本境之水凡流入黑龍江者其上源盡屬中國隔山之地盡屬俄羅斯何獨於此云出俄羅斯國界大山提綱所言殊未明晰通志地理因之遂云錦衣里江出俄羅斯境南流似此水上源係彼國之地者失之遠矣今故錄而辨之

南流合東北山諸大水折西南流

入黑龍江亦巨川也黑龍江自合三小水後

又南折向東流五十里與精奇里江會黑龍

江外紀曰精奇里江水黃俗稱黃河入旗通

志郎談傳恭載

聖祖諭云我兵將至

淨溪里烏喇令索倫接濟牛羊卽此江也龍

沙紀略曰精奇尼江

盛京通志不載

臣秋濤謹

案此蓋指舊志若新修志已載入矣

精奇尼形容之詞如云誠

哉是也江源出境內極北之山在察哈鹽峯

之北將及千里江形如弓東流八百餘里合

西里母抵河復折而西三百餘里至額蘇里

與黑龍江合河之自西北而東南入於精奇

尼江者二納爾赫蘇希河拖喀河也自東北

而西南以入者十有七最大者曰阿爾集曰甯尼曰西里母抵也其小河由阿爾集以達者額爾格也烏能也烏拉喀也由甯尼以達者勒都也帖牛也由西里母抵以達者陰鏗也畢沙也陽奇爾也那拉也鄂爾模爾科也木鼃也翁額也外此曰烏爾格曰託莫曰貝敦烏爾格與江發源一山雙汊並下不百里而合託莫貝敦發源於都立奇山後迤邐以入而江將盡矣提綱曰錦衣里江二源西曰

拖呵河東曰挪兒和蘇希河俱出極高五十五度之北不知所在俱南流合而西南流曲曲而南而東南約五百里有一水合東北來之阿兒卽河西南流又合東北來之二哥河又西南合東北來最長之烏挪河又西南合東來之烏拉喀河而南來會或曰此亦錦衣里之一源也遂南曰錦衣里江南流百數十里折而東南曲曲五百里東十一度六分極高四十七度六分有琴都河自北山南流合一

水又南合東北來之昂烏里鄂模水及甯尼
河二源之水又西南流合東來三源之殿牛
河水而西南流來會錦衣里江又東南曲曲
流四百數十里有一大水自東北來會卽西
里母的河也會處東十二度六分極高四十

六度五分

齊召南曰西里母的河源出東北
大山亦在五十九度之北西南流數

百里合東北來兩源之水又南二百里合東
北來一水始曰西里母的河又西南流合北
來一水又西南流合東北來最長一水又西
南二百里合北來一水又南合東北來一水
折向西流合東南來一水又西流百里有羊
乞你河北自達兒陽沙山前合兩水南流又

合二水而南來會又西南數十里有敖昆莫
兒科河自東南山西流來會又西百里折而
西南曲曲二百數十里有挪拉河自北合二
源南流來會又西南百餘里有翁厄河自東
北合三水西南流來會又西南百里會錦衣
里江此水自東十七度至此合數巨水源流
長一千
六百里 錦衣里江既會西里母的河折西南

流二百七十里有必拉河合二源自北來入
之又南有托莫河自東合二源來入之又南
數十里折西南流百里有貝敦河自東合三
源來入之又西南百三十里而黑龍江自西
來會此水源流可見者二千餘里可謂巨川

土人稱錦衣里烏喇

又南流經愛琿城西黑龍江城東而南坤河自

西來入之

臣

秋濤謹案坤河即尼河也提綱曰黑龍江

既會錦衣里江折南流數十里有五可薩里

必拉哈兩水自西先後來匯之

臣秋濤謹案此二小水圖

說未載

又西南數十里經愛琿城西又南十餘

里經薩哈連烏喇城東

齊召南曰兩城隔江相望東十一度之間

極出地四十五度強臣秋濤謹案薩哈連烏喇城即黑龍江城也

又東南流

數十里有尼河自西大山合二源東流經烏喇站北而東來匯

又南流博科里山水自西來入之模里爾克河自北來入之

臣秋濤謹案博科里山水卽博庫里河模里

爾克河卽模里兒克河

臣秋濤謹案會典圖說與提綱列此二水

次序不同今從圖說提綱曰黑龍江又東南百里經拖

里兒哈達北麓又東南折而南數十里經阿克的蘇蘇之西又東南經德聞蘇蘇及扶祿

蘇蘇之北又東南八十里至德兒得尼城之
 東北有博兒豁里鄂模水北自喀分蘇蘇地
 南流經查哈卽城西南又合東北來之尤得
 赫山水曰模里兒克河者經車赫得城北而
 西入黑龍江黑龍江南經德兒得尼城東東
 岸數里卽車赫得城亦隔水相望也齊召南曰東十
 一度七分極高四十四度四分有博庫里河自西北來繞城
 南而東匯之

又南流博屯河自北入之

臣秋濤謹案博屯河卽博吞河提綱曰黑龍江又南經博庫里山東麓南匯爲湖廣十餘里長三十里有博吞河自東北來會

又南流遜河自西來入之

臣秋濤謹案遜河卽孫河提綱曰黑龍江又南流稍東百餘里至馬哈拉查克丹地之東南有孫河自西北來合西南來之占河東南流經格里兒哈達之南而東來匯又曰孫河源出枯母勒山之北曰孫色沁東北流經枯

母勒里站之南折東流百餘里其北有厄育
勒河自西北合北來之厄楞古河東南流來
會又東流折而東南曲曲三百里而占河南
自大山北流合西來二水又東北流二百里
來會折而東南百餘里經格里兒哈達南麓
又東入黑龍江

又東南流科爾芬河自西南來入之

臣秋濤謹案會典圖說云黑龍江又東南科

爾芬河自其西南二水合東北流匯之

提綱
作自

又南來
匯

又東南流牛滿河自東北合諸水入之

臣秋濤謹案提綱以牛滿為經流圖說以卓

倫奇臣秋濤謹案為經流今按方略牛滿為

著名之川康熙初年羅刹侵擾至牛滿等處

即此水也故仍標牛滿之目焉提綱曰黑龍

江又東南百數十里有牛滿河自東北合數

水而南流來匯之又曰牛滿河源出東北大

山南流數十里折西南流百餘里合北來一

水又正南流九十里合東來一水又西南流
百里折而南數十里合西北一水又南百餘
里合東北來一水又西南百數十里有卓倫
啟河自北合兩源東南流又合一水而東南
來會又西南三百里有塞拉馬河自東北合
三水西南流來會又西南曲曲二百餘里折
而南百里至蘇克西哈達之西北南入黑龍
江此水源流長千二百里
又東流南北各納數小水

臣秋濤謹案會典圖說曰黑龍江又東北合

哈拉河庫爾圖爾河珠春河庫魯河畢占河

南合烏伊河富河布倫山水扎伊河集達河

提綱曰黑龍江又東南經蘇克西哈達南麓

又東南有哈拉河自東北合二水西南流經

哈達東麓來匯又東南百餘里有烏衣河臣秋

濤謹案卽

烏伊河

自西南合兩水東北流來匯又東

南數十里有甲里河自西南來匯又稍東北

流數十里折而東南有富河自西南來瀦爲

湖復北流入之又東南有枯兒社里河自北

合三水南流來入之又東南折而東流經納

丹哈他拉山之南麓凡百里許有查衣河

臣秋

濤謹案卽
扎伊河

自南合二水北流經布輪山東麓

而北來匯又東稍南數十里抵南岸大山北

麓有枯母奴河自北來匯

齊召南曰枯母奴
河卽出納丹哈他

拉山之北大山中東南
流循山東麓入黑龍江

又東北數十里有木

春河自北合二水東南流來匯南岸山卽喀

母泥哈達自西綿亘而東者也折東南流經

謀哈達西南麓又數十里有雞壇河自西南

合二水來匯又東南數十里其北岸猶是謀

哈達東南麓其南岸即木克阿里哈地北大

山北麓也

齊召南曰黑龍自受富河之後經兩岸大山中如蜀江出峽者五百

里有枯育魯河

臣秋濤謹案即庫魯河

自北合二水來

入之又東南有禾喬惠河自北來匯又東南

有必占河

臣秋濤謹案即畢占河

北自必占窩集山中

合二水南流來匯

齊召南曰窩集即深山也此河長三百餘里黑龍江

至合此水始出兩山間行平地

龍沙紀略記黑龍江曰江自

蘇爾喜峯復折而東也峯之左曰牛滿河峯
之右曰哈拉河又茂峯之左曰吉林河茂峯
之右曰枯木占河又有朱春河枯育魯河蘇
魯河必占河由東北而入江者八也又臥龍
旗河五耳噶爾河西林母地爾河西雅蠻河
匯牛滿以達於江者也與牛滿斜對曰擴爾
芬河過此又有五音河嘉里河富河宰河葉
爾白黑河由西南而入江者六也
又東流入吉林三姓城界與混同江會

臣秋濤謹案提綱曰黑龍江又東南百數十

里折而東流土人稱爲薩哈連烏喇又數十

里折東南流百餘里而松花江會嫩泥河及

甯古塔河諸水自西南東北流至查匪噶山

之西而北分二支先後來會

齊召南曰東十六度七分極高

四十七度八分此以下凡曰噶山以居人聚

落而名臣秋濤謹案松花江卽松阿里江嫩

泥河卽嫩江又名諾尼江甯古塔河卽呼拉

哈河亦曰虎爾哈河皆巨川也因係內地之

水無關邊防此不具載其吉林東北境水之

入混同江者多與俄羅斯接壤故詳錄於後

云龍沙紀略曰黑龍江過新艾渾城東稍東

南流經拖里爾峯博枯里山西北至蘇爾喜
峰之北又折而東經茂峯喀木之間至葉爾
白黑河與松阿里江合西北視艾渾城已千
里矣又曰 盛京通志云黑龍江卽薩哈連
江薩哈連者黑也金史云混同江一名黑龍
江水微黑考混同源出長白山舊名粟末江
遼改爲混同江土人呼松阿里江金志誤宋
瓦又傳誤松花其流自南而北黑龍江自北
而南其與黑龍會歷二千五百里之遙則兩

江不得混稱明矣松阿里江北與諾尼江合
流折而東北受黑龍江又南受烏蘇里江匯
注於海因其納三江之大故名混同則其上
游未會於諾尼仍當稱松阿里江也金太祖
伐遼將攻黃龍府次混同江無舟楫乘赭白
馬竟涉世宗大定二十五年封混同江神立
廟致祭蓋坤靈所鍾由來舊矣

又東流奇穆尼河自北來入之

臣秋濤謹案奇穆尼河卽乞母泥河提綱曰

黑龍江既會松花江東流折東北經查匪噶

山北又東北有數大洲

齊召南曰最大者近北岸之阿西克哈噶

山近南岸之改金噶山也

凡百餘里當改金山之北而支

港復合又東北數十里經衣禿噶山南中有

洲又東有乞母泥河西北自乞母泥窩集山

中合四水東南流來匯之

齊召南曰乞母泥窩集在必占窩集

東北三百里又北三百里為格連窩集皆連山綿亘落葉浮土人跡罕到自此而東至海

濱皆杳茫窩集也

又東流與烏蘇里江會

臣秋濤謹案烏蘇里江卽古胡里改江自大

山松林發源左右受數十水以在內地茲不具錄提綱曰黑龍江又東南經乞納林噶山

北其東南卽厄母雞山也又東南折而東北

江中有洲長三十里又東北百數十里經喜

魯林噶山兩聚落之北

齊召南曰喜魯林山在聚落西南二百里

又東經克勒母噶山北又東分爲二派正派

稍東北數十里折而東南旁派東南流數十

里有烏蘇里江自南合諸水北流而先分一

支西北流來會而東北流與正派合二派既

合而東中有大洲又東稍北而復東經松厄

里昂喀地之東北復分二派正派北流二十

里旁派東流十餘里而烏蘇里江一支渠自

西南來會北流經赫真噶山之西即赫克特

里地之西北也又北與正派復合經這乞林

噶山之東

齊召南曰烏蘇里江合處在東十八度三分至七分極高四十三度

四分及五分自合松花江至此四百餘里

又東北流庫魯河自北來入之

臣秋濤謹案庫魯河卽枯魯河提綱曰黑龍
江水勢愈盛有枯魯河自西北窩集中東南
流經汪達山西麓而南來注之江心有洲數
處又東北經母兒枯噶山西北由得行里噶
山東南而江心有洲長二十里齊召南曰
中有噶山
又東北流東西各納數小水

臣秋濤謹案此所納諸水之名會典圖說與
提綱互異今具錄之以備參考圖說曰江又
東北東合和羅河博敦河畢爾古河西合布

庫河傳達里河對罕河提綱曰黑龍江又東

折而東北經噶山四處之北而江分二派俱

東北流五十餘里

齊召南曰
中有噶山

又北復合經噶

山三處之西爲巨浸中有兩大洲有敦敦河

自東合五水西北流五百餘里來注之又北

經兩處噶山之中北至赫根地東而江又分

二派一正北流經五處噶山之東一東北流

折而西北經三處噶山之西共百六十里復

合有奴壘必兒忒河自西南合三水東北流

四百里來匯又北有巴勒兒河自東南合三水來匯又北有克七河自西來匯又東北受東來之呼兔他拉哈池水又北有富打克他拉哈池自西承西南兩源一河之水東流來匯

又東北格楞河自西北來入之

臣秋濤謹案格楞河卽格林河提綱曰黑龍江又東北經西岸之噶山三東岸之噶山二又北有格林河自西南合數水東流千里來

會又曰格林河源出格林窩集在乞母泥窩
集之北三百里有兩源南源東北流百餘里
北源東南流數十里合西來一水又東南九
十里合焉又東北流百數十里會西南一水
又東流數十里折向北流有一水自西北來
會又東北曲曲二百餘里分爲二派俱東北
流六十餘里復合又東北百里有索米河
自西北三合三水東南流來會又東稍南流
曲曲三百里瀦爲勒因鄂模自東北流出百

餘里入黑龍江江心有一大洲也

又東北流東西各納小水以十數

臣秋濤謹案會典圖說云東合倭克特河倭

爾吉河希拉遜河年塔哈河奇吉泊水鄂隄

河鄂敏河瑪哈爾河錫雅里河和勒爾河西

合溝根河庫爾古河綽羅河多林河齊克圖

哈河畢占河圖纏河梅庫河福達哈河按圖

說止著水名其先後匯流之次序則略而不

載今采提綱以補之仍箋其異名以備考提

綱曰黑龍江又北有勾根河

臣秋濤謹案

自

西北合二水東南來匯又東北經福祿馬噶

山東有科兒古河

臣秋濤謹案

自西北松林

中東南流來匯又東北經科兒古噶山東由

忒噶山西南有由忒河

臣秋濤謹案

自東南

合二水來匯又東北經東西兩岸噶山各二

有哈兒即河

臣秋濤謹案

自東南來匯又北

折而東北經南岸噶山一有喜拉孫河

臣秋濤謹案

案即希

自東南合二源西北流來匯又東北

有截羅河臣秋濤謹案自西北來匯又北有

多林河臣秋濤謹案自西來匯又東北有七

可杜哈河臣秋濤謹案自西北來年塔哈

河臣秋濤謹案自東南並匯又東北經東西

兩岸之噶山各一又東北至西爾木噶山之

北又東分爲二派一北流數十里折而東北

經一噶山南又數十里一東北流有克几必

兒忒池臣秋濤謹案自東南合四河之水西

北流來匯齊召南曰克几必兒忒池上源一

朔方備乘 卷二十四 艮維諸水考 臣

北流三百里與南源會南源曰喜兒巴喜河
自南山北流合東一水西北流三百餘里會
爲池西北流有刀灣河自南來會又西北有
會里河自東南來會又西北流中有大洲三
角分派入黑龍江水口
之北卽克几噶山也 又東北百里許經東

岸噶山一又東北有敖體河

臣秋濤謹案
卽鄂隄河

自

東南來會又北與前派復合又東北受東南

來一水又東北有必占河

臣秋濤謹案
卽畢占河

自西

大松林合四水東流六百餘里來匯又東有

樂民河

臣秋濤謹案
卽鄂敏河

自東南來匯江心有洲

其西岸卽色楞素山麓也又東北經葵馬山

西麓又北有夏里河

臣秋濤謹案
即錫雅里河

自東南來

有圖陳河

臣秋濤謹案
即圖纏河

自西南來並匯又北

有梅苦河

臣秋濤謹案
即梅庫河

西自松林來匯又北

有付打哈河

臣秋濤謹案
即福達哈河

自西北來匯折東

流有馬哈兒七河

臣秋濤謹案
即瑪哈爾河

自東南來匯

稍東又受東來之赫勒里河

臣秋濤謹案
即和勒爾河

又

東北有法亭河

臣秋濤謹案此水及
氣甯河圖說均未載

自東南

來匯又北有氣甯河自東南來匯又北經木

乎勒噶山之西其西岸即松林也又北分爲

三派

齊召南曰中有二洲

有阿可啟河

臣秋濤謹案即阿克齊河圖說

載於興滾河之後而提綱列此必有一誤

東南自厄非金水合二

源西北流來匯又北復合

又東北流恆滾河自西北來會

臣

秋濤謹案恆滾河一作興滾河一作亨滾

河源出楊阿林其北即外興安嶺南麓嶺北

即俄羅斯境也東流南合哈達烏爾河北合

哈滾河又東南流入黑龍江康熙初年羅刹

侵擾赫哲費雅喀人所居抵恆滾地方即此

水也乃吉林之東北境提綱曰黑龍江又北
至莽阿臣噶山之東南有亨滾河西自窩集
合數大水東北流千五百里來會江心有二
洲又曰亨滾河出羊山之東隔嶺東麓曰亨
滾色禽東流二百餘里合北來一水東南流
百數十里合西南來一水又東流百餘里合
北來一水行松漠中東南二百餘里有哈打
五而河西南自松林東流合南水四北水三
而東北流七百餘里來會又東北行松林間

曲曲八百里有厄米勒河自西北合數水東南流七百餘里來會又東行二百里稍北經衣思科路必而忒地之南又東百餘里至莽阿臣噶山之南東入黑龍江此水自東十七度八分至東二十四度源流幾二千里又東北流噶穆河自北來入之

臣秋濤謹案黑龍江既會恆滾河又經集達特噶城而東噶穆河出其西北山東流經城

北亦來會

此水提綱未載

又東北流納諸小水又東北入於海

臣

秋濤謹案會典圖說云南合巴爾克河科

奇河北合齊凌集河鄂米河里齊河時發海

河看丹河入於海提綱曰黑龍江又東北有

巴哈河自東南來匯又東北江心有巨洲有

七靈衣河

臣秋濤謹案
卽齊凌集河

西白衣思科路必而

忒池合西北來三水東流來匯之稍北有喀

兔米河自西北合一水東南流匯之又有敖

打里河自東南來匯之又東北經南岸阿而

哈噶山廟噶山之北受東南一水曰可七河

臣秋濤謹案
即科奇河

在阿而哈之西受北來五水其

有名者曰藥米河

臣秋濤謹案
即鄂米河

曰里七河

臣秋

濤謹案即
里齊河

曰法忒海河

臣秋濤謹案
即時發海河

皆北出

松林中南流法忒海河之東北即查哈達噶

山也又東北至別央阿山西南麓為初入海

之口其南岸即瓦吉噶山也

齊召南曰東二
十五度極高五

十二度八
分九分

又東北至達不哈敖佛洛山東麓

有堪達河

臣秋濤謹案
即看丹河

自北而東南來會其

南岸百里卽啟不林敖佛洛山瓦巾朱魯哈

達也是為外口

齊召南曰東二十五度四分極高五十二度六七分至四

十八度

混同江口以北東北海諸水

甯爾河

臣秋濤謹案甯爾河卽甯艾河出七嘉可山

東南流入於海又按以下諸水皆在三姓城

東北境今敘次自南而北至近俄羅斯界之

索倫河而止

古第河

臣秋濤謹案古第河在甯爾河西北源出集

達特噶城北山中東北流入於海

圖瑚爾河

臣秋濤謹案圖瑚爾河在古第河西北源出

費雅喀人等所居山中東北流入於海

鄂古河

臣秋濤謹案鄂古河在圖瑚爾河西北源出

費雅喀人等所居山中東北流入於海

吉特河

臣秋濤謹案吉特河在鄂古河西稍北源出

噶穆河北山中東北流入於海

瑪尼噶河

臣秋濤謹案瑪尼噶河在吉特河西北源出

噶穆河北山中東北流入於海

阿拉河

臣秋濤謹案阿拉河在瑪尼噶河西北源出

噶穆河北山中東流入於海

索倫河皆入於海

臣秋濤謹案索倫河在阿拉河之北源出外

興安嶺南麓東流入於海此河之北有戾拉

河戾拉河之北有烏底河皆東入海為甌脫

地又北逾大山即俄羅斯境也

朔方備乘卷二十四

知縣林 穗初校
知縣丁 紹基覆校

朔方備乘卷第二十五

考十九

色楞格河源流考敘

色楞格河

鄂爾坤河

楚庫河

克穆河

阿努河

臣秋濤謹案中國之水由俄羅斯境入北海者

以色楞格額爾齊斯爲最鉅其他名川細流出
杭愛山北者皆會於色楞格出金山北者皆會
於額爾齊斯二水洶漠北之江河也今考其源
流並所匯各水別自爲卷不編入北徼水道中
者以非俄羅斯境所得攝也仍列於北徼水道
之前者尊中國也色楞格所會諸川莫大於鄂
爾坤河且源流俱在中國故置於前列楚庫河
爲中國與俄羅斯分界之水故次之克穆河發
源中國達羅刹境始與色楞格會故又次之阿

努河亦發源中國達羅刹境始因克穆河以會
色楞格故又次之考會典及一統志諸書於娥
河劍水多詳其源而略其委齊召南水道提綱
不知克穆河卽伊聶謝河至阿努河下游紀載
家或誤以爲入額爾齊斯蓋言漠北水道若此
其難也今蒼萃中西圖籍述爲是考或可爲講
邊防者之一助歟

色楞格河

色楞格河

臣

秋濤謹案色楞格河一曰仙娥河

見唐書同鶻傳

一曰仙萼河

唐書地理志有仙萼州即以水為名也

一曰昔令

哥河

見朔方圖

一曰僕輦傑河

見元歐陽元高昌僕氏家傳

一

一曰錫蘭河

見元耶律鑄雙溪醉隱集

一曰薛靈哥水

見元史

一曰色冷額河

見方略

一曰塞倫額河

見內一府圖

一曰薛涼格河

見祕史

一曰習靈靄河

見瀚海集

水道

提綱曰漠北水之入北海可知者色楞格最

大源發杭愛頂以南凡鄂勒白稽山枯庫嶺

忒呵都伊嶺烏可克嶺以東杭愛尾及都蘭

喀喇山杭亦哈馬喇山與杜蘭喀喇山阿不
達拉太山以北大興安山大小肯特山以西
數千里川澤俱匯而北瀦爲白哈兒湖爲漠

北第一巨浸所合如厄赫河鄂爾昆河土喇

河者得河

臣秋濤謹案者得河卽澤德河

楚庫河皆巨川也

臣秋濤謹案提綱所舉各水皆在中國其旣

入俄羅斯界以後所匯各水尤眾如額爾口

河伊爾尼河巴喀拉河冬古薩河諸水亦皆

巨流至伊聶謝爲古劍水其會合處水勢大

於色楞格河然色楞格已瀦爲大湖而伊聶
謝並未有湖泊以淳蓄之則較論所納之水
仍以色楞格爲尤盛也

上源曰齊老圖河出三音諾顏部中左末旗爲
鄂爾哲依圖泊

臣秋濤謹案色楞格河水道提綱載有六源
最北源曰哈喇台爾河出杭愛山頂西南麓
卽會典圖說所云德勒格爾河瀚海集所云
哈拉達爾河也次北源曰布克誰河卽會典

圖說所云布克綏河也南源有四一曰厄得
勒河卽會典圖說所云伊第爾河瀚海集所
云伊得爾河也次南源曰齊老圖河與會典
圖說同名卽瀚海集所云貳吉兔察罕腦爾
河也又次南源曰烏里雅台河卽會典圖說
所云特爾克河也最南源曰阿濟勒克河卽
會典圖說所云阿集拉克河也惟會典圖說
以齊老圖河爲正源不取水道提綱六源並
發之說蓋水之入東海者以最西之源爲正

源則水之入北海者自應以最南之源爲正
源就南源中論之特爾克河阿集拉克河皆
細流不足當正源之目惟齊老圖河初發源
卽鍾爲巨泊周數十里其爲色楞格之上源
無疑今謹遵之以爲定論云提綱曰齊老圖
河源出西界山下之額爾折衣圖察罕泊泊
在鄂勒白稽山之南幹百餘里大山下西北
經隔山之桑稽晉大來泊百餘里西十六度
八分極四十八度七分泊周六十里自泊東

北流出經烏爾圖吳雅山南麓稍東會西北
來一水又東百餘里有二水自西南合而來
會始曰齊老圖河

東北流經中左旗右翼後旗特爾克河入之

臣秋濤謹案特爾克河卽提綱所云烏里雅

台河也齊老圖河又東北二百餘里受南一
水又東北循山麓流百餘里而烏里雅台河
自西南來會烏里雅台河提綱以爲卽色楞
格又次南一源也出衣孫都蘭喀喇地山北

麓齊召南曰山在烏勒圖吳雅山東南百數十里亦幹山綿亘不斷東北流

會西一水南一水折而東而北共三百里會

齊老圖河又東北三十里而阿濟勒克河自

南來會

又東北流阿集拉克河入之

臣秋濤謹案阿集拉克河卽提綱所云阿濟

勒克河也出衣孫都蘭喀喇地山之東北支

峯三水東北流合循山北麓東北共二百數

十里北會齊老圖齊老圖又東北二十里會

厄得勒又東北三十里而北源來會

齊召南曰齊老

圖自源至此長五百里

又東北流伊第爾河入之

臣秋濤謹案伊第爾河即提綱所云厄得勒

河也

臣秋濤謹案齊老圖河所會水別有額德爾河與此不同或云此水本名伊第

爾作厄得勒者齊召南之筆誤也

源出喀爾喀西界鄂勒白

稽山

齊召南曰即杭愛山頂之西南大幹山也隔山西即桑稽晉大來泊也西十六

度九分極四十九度

兩水自山麓東流而合又東會西

南來一水又東會西北來一水又東會南一

水又東稍北會北來一水及西南來二水之

合而東北者又東北一水自西北來入之齊召

南曰共又東名厄得勒河又東北曲曲而東

合七水齊召南曰共而齊老圖河合諸源水自西南

來會

德勒格爾河自扎薩克圖汗部東南流來會

臣秋濤謹案德勒格爾河即提綱所云哈喇

台爾河也會典圖說曰德勒格爾河出唐努

山東南東流踰卡倫又東南流西納伊克和

羅河入喀爾喀扎薩克圖汗部界經右翼右

末旗會托爾和里克河

臣秋濤謹案托爾和里克河出德勒格爾

河源之東亦東南流入扎薩克圖汗部界南流注於德勒格爾河

又經中左

翼末旗西納布克綏河

臣秋濤謹案布克綏河即提綱之布克誰

也河入三音諾顏部界注齊老圖河提綱曰色

楞格河自喀爾喀西北杭愛山頂之西南大

幹諸山發源有六最北者名哈喇台爾河出

杭愛山頂西南麓三水東南流二水東北流

而合經山麓南

齊召南曰源西十七度極四十九度七分去頂西稍南百

里又合西南二水并東北流者稍東而杭愛

南澗自西北來會又東受西北來一水卽杭

愛東澗也折東南流有二水自西南合而來

會

齊召南曰自源至此
曲曲已二百餘里

又東南始名哈喇台

爾河曲曲而東百數十里受西北來水一折

而南受西來水一又東南數十里經額爾齊

特山東又東南數十里有一河自西來會卽

次北一源之布克誰河也布克誰河自山中

合五水東流共三百餘里會哈喇台爾河

齊召

南曰布克誰河源在杭愛山頂南稍東二百餘里卽西南幹之曲而東者又東南

二十里而南源來會

齊召南曰北源至此長五百里

轉東流南納額德爾河阿察河北納北特里河

哈拉鄂倫河特里河又東流經左翼中旗中末

旗

臣秋濤謹案額德爾河卽南特里河阿察河

卽阿又河哈拉鄂倫河卽喀喇烏倫河提綱

曰南北源既會始曰色楞格河東流

齊召南曰西十

四度入分極四十九度三分

有南特里河南自温都勒山

北流來入之齊召南曰亦曰温都里山又東有北特里河

自北合二水南流經哈爾占布勒古得依山

西又南二百里經山麓來入之又東曲曲百

數十里有阿又河南自呼普蘇古兒山之西

北麓東北流來入之齊召南曰北岸有山疑即元時和林上都地山

水迴合西十四度一二分極四十九度三分所云嶺北當指賽堪山及庫庫齊老圖諸嶺

又東有哈喇烏倫河自北山合三水東南流

經納馬納山西麓而南來入之齊召南曰烏倫疑即和林

之轉聲元史以西有喀喇和林河得名然則此河之東色楞格之北即古和林城也又

東南折而東北齊召南曰兩岸前後有山有特里河自北

山中合五水東南流三百餘里來入之

又東流哈綏河自西南來會始曰色楞格河

臣秋濤謹案哈綏河卽哈瑞河出三音諾顏

部中左末旗東山東北流經右翼前旗西納

珠薩蘭河南納瑚努伊河又東北流入於色

楞格河考提綱以旣合哈喇台爾河卽名色

楞格而會典圖說則以合哈綏河後始名色

楞格蓋據圖爲言也今從會典圖說提綱曰

色楞格河又東北數十里折東流有哈瑞河
自西南合呼納衣河東北流來會亦巨川也
又曰哈瑞河出西南幹山在齊老圖源之南
隔山三百餘里他米勒河源隔山百餘里西
十六度三分極四十七度七分東北流百里
合西南一水又東會西一水又東會南一水
折而北會西一水又東北有一水自西北大
幹山東流合北來衣孫都蘭喀喇地山南二
水而南流來會又東北百數十里有一河合

二水自南來會始曰哈瑞河又東北曲曲三百里有米薩朗河自西合二水東流來會又東北循呼普蘇古兒山之南又東有呼納衣河自西南山中東北四百里經賽堪山北麓又東北百餘里來會又東北百餘里入色楞

格河此河源流長九百里齊召南曰山脉西自枯庫嶺東北分

枝繞此河諸源之南曲曲千餘里為巴顏濟魯克山又北為賽堪山即賽罕山也又東北為納鄰庫勒墨地北之危勒黑圖山又東稍南為厄魯墨德衣山峯嶺不斷山西北為哈瑞河山東南為鄂爾渾河

又東流入土謝圖汗部界

臣秋濤謹案色楞格河又東流塔特河自南

來入之又東流歐爾河自西南合四水來入

之又東流扎達河自南來入之又東流巴爾

土河自南來入之皆細流也又東流入土謝

圖汗部界提綱曰色楞格河又東南流折東

北而東有哈喇托惠河

臣秋濤謹案
即塔特河

西南自

厄勒黑圖山來入之又東稍北有阿爾達克

河

臣秋濤謹案
即歐爾河

自西南合三水東北流又合

東二水北流來入之齊召南曰東來一水名烏兒河又東受

南來查達河臣秋濤謹案即扎達河又東受南來巴里

北河臣秋濤謹案即巴里土河北字疑杜字之譌

又東流額赫河自西北來會

臣秋濤謹案額赫河即厄赫河上源為庫蘇

古爾泊在唐努山烏梁海東南境伊克杭哈

河納林杭哈河哈拉錫爾河納林和羅河俱

出穆遜山南麓南流瀦焉復自泊東南流出

曰額赫河南北合數水庫克陀羅蓋河達爾

沁圖河鄂依拉噶河阿拉渾博勒爾河俱出

卡倫外南流折東南亦察會又東經扎薩克

圖汗部三音諾顏部境又東南入土謝圖汗

部界北納努拉河布科倭河東南會色楞格

河提綱日色楞格河又東稍北

齊召南曰西十二度四分

極四十度餘有厄赫河自西北大山東南流合翁

佳河諸水來會亦巨川也又曰厄赫河出西

北大山下之呼孫古兒泊西十六度至四分

極五十一度三分至七分泊北即大幹山在

湯努山東北千里泊西隔山卽俄羅斯國之
烏斯河源也泊南北百數十里東西八九十
里周三百餘里中有山曰舍撥兒拖克阿林
近於西北自東南角流出數十里會西來一

水水南有沙拉達藍山又東南流會北來一

水又東南流有敖卽可噶兒漢河自西合二

水東流來會又南流有翁佳河自西合二水

東流來會稍東有敖里可立河合二水自北

大山南合東一水又南流西北來之阿里可

河東北來之烏兀哈河又南百餘里來會又
東南有小水自西南來注之又東南有恩特
河自西南大山東北流合西北一水南三水
來會又東南有巴圖里烏巴什河自北大山
合三水南流來會又東南有拖拉喜河自西
南山合三水東北流來會又東南有額林河
自東北山合二水南流又東合厄不里謀登
苦兒河曲曲南流來會又東南數百里有他
黑巴哈太河自北山合三水南流來會又東

南數百里會色楞格河此水合有名之水有
八源流長千餘里

又東流喀拉瑚集爾河布喀河自南來入之鄂
博爾克倫河自北來入之又東流經右翼左旗
右翼右末次旗特爾格河自北來入之又東流
經中左翼末旗與鄂爾坤河會

臣秋濤謹案提綱曰色楞格河既會厄赫河

水勢愈盛稍東有市呼圖河

臣秋濤謹案卽
喀拉瑚集爾河

自南合三水來入之又東北河心有洲有布

喀河自南合一水來入之又東北受北來一

水又東北有一河自西南布昆沙拉山之北

東北流合東南一水北來入之又東受西南

一小水又東經布龍山北麓齊召南曰山脈西南自巴顏濟

魯克山賽堪山綿亘而東北為厄魯墨得衣山又東為西拉克山為布昆沙拉山又東北

為此山蜿蜒至兩河合處山為色楞格及鄂爾渾之界又東北數百里

而鄂爾渾河自南合土喇諸河之水東北流

來會齊召南曰西九度九分極五十度水勢大盛齊召南曰色楞格自

源至此已千七百里鄂爾坤河土喇河二水見後

又東北流經恰克圖西

臣秋濤謹案恰克圖中國與俄羅斯互市處

也有理藩院司官駐此其北有俄羅斯國所

建市圈設有頭人管轄

又北流達俄羅斯國界

臣秋濤謹案色楞格河西岸有永和爾山東

岸有特們瑚珠倭爾輝圖山皆中國與俄羅

斯接界處也

又東北流澤德河自西北來入之

臣秋濤謹案澤德河卽者得河也亦作哲德
河提綱曰色楞格河旣會鄂爾渾河又東北
百里有一水自東南來注之又東北百數十
里有者得河自西北大山合三水東流九百
餘里亦巨川也又曰者得河上源出西北大
山三水東流百數十里而合又東數十里有
一水自西來曰阿魯謀敦苦兒河東流會焉
又東南百餘里會北來一水又東南二百餘
里有喀木仰河自北山合三水東南流四百

餘里來會又東南百數十里有遮兒圖勒河

臣秋濤謹案卽

澤勒圖勒河

自西大山合二水東南流又

會西南來之卽里多忒河折東北曲曲五百
里來會又東百餘里受北一小水又東百數
十里入色楞格河

又東北流楚庫河自東南來入之

臣秋濤謹案提綱曰色楞格河又東北百七

十里有一河合三水自西來注之又東北百
餘里經鄂羅斯國界之楚庫柏興西南亦曰

楚庫拜商有楚庫河東南自喀爾喀境合數

水西北流來會

齊召南曰西八度八分極五十餘度

色楞格自

合鄂爾渾至此又五百餘里

互詳楚庫河篇內

又東北流西納數小水又北流烏德河自東南

來入之

臣

秋濤謹案烏德河即烏得河又作烏的河

蓋即漢時烏偁國地提綱曰又東北百八十

里有啟兒活河自東南合三水西北曲曲流

四百里來入之又正北流百餘里有敖龍屋

河自西南合三水東北流來入之又北流折
東北百數十里有衣巴勒漢河自西合三水
東北流六百里來入之又正北流百里經烏
得拜商西南有烏得河自東南大山合兩水
四源西北七百里經拜商南而西來入之又
北折而東北百數十里有一河自西南山合
二水來入之

又東北流折而北流伊談珠河自東南來入之

臣秋濤謹案伊談珠河一作伊坦珠河卽衣

灘朮河也提綱曰色楞格河又東北折而正
北百數十里有衣灘朮河自東南大山合兩
水四源曲曲西北流五百餘里經衣灘朮拜
商南而西注之又北經拜商西而北數十里
折而東北而西北曲曲百八十里有一河自
西南合二水東北流三百餘里來入之又曰
自楚庫河而東北如啟兒活河烏得河衣灘
朮河諸源皆出肯特山東北大幹山之北麓
其隔山南麓皆東南流入黑龍江者

又西北瀦為白喀爾鄂模

臣秋濤謹案白喀爾鄂模一日白哈兒湖一

曰白哈兒海均見一統志一日拜喀爾鄂謨見內府圖

一日柏海爾湖見異域錄一日貝加爾湖見地理全志

一日麥嘉湖見總記一日拜加爾湖見地理備考

曰拜刺湖見圖志一日柏海見一統志一日白海一

曰菊海說詳下一日白爾轄湖見坤輿圖說漠北第

一巨浸也提綱曰色楞格河又正北流折而

西北曲曲二百數十里北瀦為巨澤曰白喀

爾鄂模又曰白哈兒湖亦曰小海南北徑二

百餘里齊召南曰極出地五十三度九分至五十四度八分東西徑九

百里或千里齊召南曰自西七度至十度五分色楞格自合

鄂爾渾後水清溜急廣四五十丈兩岸多山

於湖之正南流入齊召南曰西八度五分極五十四度也湖四

面俱有山齊召南曰聞有一大水自東北角流入中有洲曰敖

衣葦山臣秋濤謹案一作鄂伊袞阿林異域錄作鄂遼漢洲南北五十

餘里東西二百里十二月冰堅可渡卽漢時

又海北丁零臣秋濤謹案海北當作北海唐時骨利幹都播

二部落北之少海

臣秋濤謹案少海非此湖辨見下

近黠夏

斯而色楞格即仙娥河劍河也

臣秋濤謹案劍河在仙娥

河之西既以色楞格為仙娥河又以為劍河非也

湖之大如海一統

志曰白哈兒湖在楚庫柏興北五百餘里亦

曰柏海去喀爾喀北界千餘里乃巨澤也南

北長二百里許東西廣千餘里四面皆山色

楞格河自西南流入

臣秋濤謹案諸書皆作自正南流入與此不同

昂噶喇河自西北流出其從東北流入者又

有一河亦名昂噶喇中有洲曰鄂遼漢在湖

內之東北偏南北五十餘里東西二百里上
有山岡多野獸水多魚蒙古五十餘戶游牧
於此十二月下旬冰始堅可行三月盡冰始
解按唐書地理志骨利幹都播二部落北有
小海冰堅時馬行八日可渡海北多大山其
民狀貌甚偉風俗類骨利幹晝長而夕短所
謂小海卽此水也又按史記匈奴傳匈奴留
郭吉遷之北海上漢書蘇武傳匈奴徙武北
海上無人處使牧羝武旣至海上廩食不至

掘野鼠去草實而食之杖漢節牧羊單于弟
於軒王弋射海上給衣食賜馬畜王死後人
衆徙去丁令盜武牛羊武復窮厄匈奴使李
陵至海上爲武置酒設樂武終不降後漢使
復至匈奴常惠夜見漢使教使者謂單于言
天子射上林中得雁足有係帛書言武等在
某澤中前言北海海上後言某澤以塞外遇
水澤通稱爲海也白哈兒湖地在匈奴正北
與丁零正相近史記匈奴傳冒頓北服丁靈

漢書李陵傳匈奴立衛律爲丁靈王師古注

丁靈胡之別種又蘇武傳注丁令卽上所謂

丁靈耳然則俄羅斯南境卽丁靈故地而白

哈兒湖卽蘇武牧羝之北海上鯁臣秋濤謹

案柏海白海與北海音俱相近故地志家疑

卽一地然骨利幹都播北之小海當是烏格

里達海灣非此湖也元史劉好禮被海都拘

執脫走至菊海蓋此湖又名菊海矣

巴爾古錫穆河入其東南

來入臣秋濤謹案巴爾古錫穆河異域錄作巴爾

西古西穆河源出伊談珠拜商東北境大山西麓西流約百餘里至巴爾古錫穆城南又西注於鄂模

德爾集昂噶拉河入其東北

臣秋濤謹案德爾集昂噶拉河源出東北大

山南麓其北隔山卽集林噶河源也西南流

注於鄂模蒙古語德爾集上也此湖受色楞

格昂噶拉二水其下游例得互受通稱故俄

羅斯人以入北海之經流槩名昂噶拉河此
河因被上游之目矣魏源以昂噶拉河為謙
河謂此河即謙河上游誤也

復從鄂模西北溢為昂噶拉河

臣秋濤謹案提綱曰從西北角流出

齊召南曰西十

度二分極五十四度七分曰昂噶喇河

齊召南曰亦曰昂阿拉河圖從五十

度當即元史所謂吉利吉思之昂可刺河

西北流經伊爾古斯歸城南厄爾庫河自西南
來入之

臣秋濤謹案伊爾古斯歸城卽義爾古德斯
科異域錄之額爾庫城也亦曰額爾口城凡
喀爾喀邊境事皆此城頭目掌之提綱曰昂
噶喇河西北流百五十餘里至厄爾庫城受
西南來之厄爾庫河卽圖之厄里口河也源
出阿爾泰頂之東北大幹厄谷登召山之東
北麓臣秋濤謹案卽額古登昭山有兩水俱東北流西源
合四水東源合三水北流而合又東北有一
河自東南合二水東北流折而西北曲曲來

會又北曲曲流兩山間自極五十二度北至五十五度徑已八百餘里

又西北流噶們噶河自東北來入之又折而西南流倫多河自北來入之又西南流逕博拉斯歸城北集達雅河自東南來入之又西南流薩瑪爾河自東北來入之又西南流納南來一水

臣秋濤謹案有一水出穆遜山北二源並發

北流注昂噶喇河此水發源處在通肯圖拉西北其東卽額爾口河源也

轉西北流伊爾尼河自東北來入之

臣秋濤謹案昂噶喇河折西北流至里庫諾

伊卡倫南臣秋濤謹案此俄羅斯所設卡倫納伊爾尼河伊

爾尼河即異域錄之伊里穆河也源出伊林

又斯歸城北山臣秋濤謹案伊林斯歸即異域錄之伊里穆城縈繞城

之北東南三面折而西南流至里庫諾伊卡

倫東來會約長六百餘里昂噶拉河自合伊

里穆河之後俄羅斯人亦呼為通古斯科河

又西流古爾班孟訥斯河自南來入之

臣秋濤謹案古爾班孟訥斯河源出穆遜山

西北麓其南隔山卽中國之騰吉斯河源也

三源並發故以古爾班爲名

臣秋濤謹案蒙古語古爾班三

也西北流九百餘里入於昂噶喇河

又西流滿達河自南來入之又西流罕河自東南來入之

臣秋濤謹案罕河源出托羅斯嶺北麓其南

隔山卽中國之伯集克穆河源也西北流二

百里折北流二百餘里合東南來一水又西

北流合南來一水曰噶捫噶河又西北逕噶
捫噶噶珊南繞其西北入昂噶喇河

又北流伊聶謝河自中國發源合阿努河諸水
曲折東北流來會曰惹尼色河

臣秋濤謹案伊聶謝河即中國之大克穆河

也互詳克穆河篇內阿努河亦發源中國互詳阿努河篇內

齊召南曰聞伊聶謝河長三千餘里受十餘

水較色楞格又大五六月尚有冰當即元史

所云謙河也臣秋濤謹案惹尼色即伊聶謝河譯文之異自此以後直至北海

通稱惹尼色河一作惹尼色斯河一作曰尼
 塞河一作也尼塞河一作因尼西河一作葉
 尼賽
 河

又北流逕伊聶謝柏興東

臣秋濤謹案伊聶謝柏興即惹尼色斯歸城

亦曰也尼塞斯科康熙間使臣圖理琛由厄

爾庫城乘舟至此順流晝夜行水程三千餘

里沿途河岸寬闊之處間有田畝其山陂少

平之處亦有耕種者有小柏興甚稀俄羅斯

與布喇特及索倫人等雜處又曰昂噶拉河

兩岸奇巒絕壁疊秀橫空斷岸千尺水聲淙

淙巉石嵯峨橫波峭立風高浪激奔注如矢

又曰昂噶拉河內有伯克五處

臣秋濤謹案伯克一作碑

克破落克八處西費喇九處河內高峰及臨

水懸崖俄羅斯人名之曰伯克河兩邊皆峭

壁中有大石水直陡下流者俄羅斯人名之

曰破落克水淺有石水緊溜急之處俄羅斯

人名之曰西費喇五伯克之名曰滅提別西

伯克巴達爾滿斯克伯克多達兒斯克伯克

滅費斯克伯克費達穆克伯克八破落克之
名曰博合滅爾納破落克皮牙乃破落克巴
敦破落克多爾規破落克沙滿斯克破落克
阿普林斯克破落克木爾蘇斯克破落克四
鐵烈洛什破落克九西費喇之名曰鄂標穆
索斯柰西費喇洛什西費喇柏格西費喇郭
洛活瓦西費喇郭費殷斯克西費喇噶什那
西費喇鄂費夏那西費喇鄂爾吉那西費喇
郭薩牙西費喇又曰伊聶謝柏與四面皆山

岡伊聶謝河自南流來大於昂噶拉河其昂
噶拉河來自東南離柏興十餘里歸入伊聶
謝河又繞過柏興向東北流入北海

又北流科穆河自西來入之

臣秋濤謹案惹尼色河又北流必特河自東
來入之又北流西納科穆河科穆河出瑪古
斯歸城東北山東北流約二百里逕伊聶謝
柏興之北又東入於昂噶拉河

又西北流左右各納數小水又北流鄂羅河自

東來入之

臣秋濤謹案惹尼色河又西北流傅爾底雅

多瓦河自西南來入之又西北流阿巴里尼
雅河自東南來入之又北流伊薩郭瓦河自
東來入之又北流納東來一小水又西北流
噶里克河自西來入之又西北流德薩底納
河自西南來入之又西北流必多巴河自東
來入之又北流色勒斯尼河自西南來入之
諸水皆細流也又折而東北流與鄂羅河合

鄂羅河源出里庫諾伊卡倫北山曲曲西北
流四百餘里又西入於惹尼色河

又西北流左右各納數小水

臣秋濤謹案惹尼色河又西北流多羅西河

自東來入之又西北流音多沙雅河自西南
來入之又北流有一水自東來入之達羅瓦
雅河自西來入之又西流折北流有一水自
東來入之欣河自西南來入之

又北流巴喀拉河入之

臣秋濤謹案巴喀拉河源出日爾郭瓦泊在

伊林斯歸城西北泊周數百里日爾郭瓦博

爾薩雅河入其東南日爾郭瓦謨拉達河入

其西南復從泊西北角流出西北流百餘里

與東南來之特德拉河會

臣秋濤謹案此河出伊林斯歸城東

北大山北麓行三百餘里西流來會

又西北流散巴納倭拉河

自東北來入之又西流納南來一水又西流

遜噶蘇爾薩雅河自東北來入之此河源出

一泊周數十里又西流納南來一水又西流

曰博特噶捫納河又西流丰取斯噶河自北
來入之又西流納南來一水折北流索瑪雅
河自東北來入之又西北流二百餘里曰巴
尼巴河有倭羅鄂巴河自東南來入之此河
源出一泊周數十里又西流勒特納雅河自
東南來入之

臣秋濤謹案此河源出索瓦湖湖周百餘里

又西流

始名巴喀拉河又西流入於惹尼色河此水

源流長千數百里亦巨川也

又西北流左右各納數小水

臣秋濤謹案惹尼色河又西北流錫特噶瓦河自東來入之又西北流納西來一水又北流巴納音河自東來入之又西北流納南來一水又北流郭羅古河自東來入之又北流惹老烏河自西來入之德底噶河自東來入之又北流米拉河自東來入之又西北流博集里噶河自西南來入之

又西北流惹羅珊河入之

臣秋濤謹案惹尼色河又西北流約二百里

徑德羅伊特斯郭格廟之西惹羅珊河發源
西南窩集中曲曲東北流入百餘里經多羅
三色吉城南又東入於惹尼色河

又北流冬古薩河入之

臣秋濤謹案冬古薩河蓋卽唐書所載同羅
水也源出希穆斯歸城南希穆斯歸南距伊
林斯歸一千一百餘里北距冰海一千六百
餘里冬古薩河西流曲曲百餘里巴爾倭登
噶河自南來入之又西南流訥巴河自東南

來入之又西流曰郭勒斯郭野河又西流博

爾薩惹野里瑪河自東南來入之又西流惹

羅瑪河自南來入之又西北流羅斯瑪納噶

河自東北來入之又西流伊里穆河自東南

來入之臣秋濤謹案異域錄有伊里穆河即所稱伊爾尼河非此河也又西

流伊爾達河自南來入之都里噶河自東北

來入之又西流惹勒拉雅河自東北來入之

又西流索額達拉雅河自南來入之又西流

達穆拉河自南來入之又西北流勒達訥達

河自南來入之又西北流納東來一水又西北至德羅伊特斯郭格廟北又西入惹尼色河

又西北流逕多羅三色吉城東

臣秋濤謹案多羅三色吉城卽唐多濫葛部地也

又西北流左右各納數小水

臣秋濤謹案惹尼色河自多羅三色吉城東折西北流繞城北又西流有一水自南來入

之又西流多訥斯奇納河源出窩集中自東北來入之又西納北來一水折西北流伊哈河自西南來入之噶多噶河自東北來入之又西北流烏伯河自東北來入之伊薩拉克河自西南來入之又西北圖替納河自東來入之又折西流納南來一水又西北流頗替納河自東來入之又折東北流烏伯尼雅河自東來入之又西流舍達河自西南來入之又西北流謨斯圖伊噶河自東來入之

又北流入於北海

臣秋濤謹案色楞格河入海處名烏格里達
海灣商舶多聚焉圖理琛言伊聶謝柏興距
北海大洋一月程蓋三千里也統計色楞格
河自發源至入北海凡九千一百餘里自烏
格里達浮海而北數百里有大島名伊策三
布拉島南北袤六百餘里東西廣一千三百
餘里唐書謂骨利幹北有小海冰堅八日可
渡者卽指烏格里達以北之海也其云海北

多大山其民狀貌甚偉晝長夕短煮羊胛纔
熟天卽曙者卽指伊策三布拉島也

鄂爾坤河

鄂爾坤河出三音諾顏旗二水合東流北合一
水經右翼中右旗右翼左末旗中前旗額魯特
旗折北流入土謝圖汗部界經土謝圖汗旗

臣

秋濤謹案鄂爾坤河一作鄂爾昆河一作

鄂勒昆河水道提綱曰鄂勒昆河亦曰鄂爾

渾河舊名阿魯渾河音之轉也源有二一出

杭愛山尾南麓

齊召南曰西十四度五分極四十七度

東南流

曰姑洛河

齊召南曰杭愛山自西北枯庫嶺蜿蜒而東南四百里又東行百餘

里連峯相接山勢高大折東北數十里其麓為姑洛河源又東行蟠際數百里

曲曲

二百里而南源自西來會南源出鄂爾吉圖

都蘭喀喇山又有二

齊召南曰亦作威者伊圖都蘭喀喇山即大黑

山也在杭愛之南八十餘里

一自北麓東南流曰阿木勒

稽烏林塔河

齊召南曰西十四度六分極四十六度八分亦作烏里雅思他

河此地元時屬和林疑烏林烏里皆和林音之轉也

一自東麓東流百

里而合又東百餘里與姑洛河會始曰鄂勒

昆河東南流兩山間百里折而東北

齊召南曰北岸

山即杭愛山東南支阜其南岸即西自都蘭喀喇綿亘而東為杭亦哈馬勒山隔山而南

即寶金二百餘里經西爾哈阿濟爾罕山西河也

麓之額勒德尼詔廟

臣秋濤謹案額勒德尼詔廟即額爾德尼昭雍

正十年喀爾喀親王額駙策

及章鄂山之東

凌大破準噶爾之眾於此

麓齊召南曰章麓山亦高大即杭愛東支阜也疑此即唐時回鶻牙帳西之烏德韃山而所謂盟昆水即鄂勒昆也

轉西北流濟爾瑪台河入之

臣秋濤謹案鄂爾坤河又東北出山流百七

十里折而西北流二百里有濟爾瑪台河自
西南來會濟爾瑪台河一作朱爾馬台河出
三音諾顏部右翼中右旗東流經額魯特旗
入土謝圖汗部界注於鄂爾坤河水道提綱
曰朱爾馬台河亦曰朱勒馬台河出額黑鐵
木兒山南麓東南流繞布庫鐵木兒山足折
而東北流曲曲二百餘里瀦爲池曰察罕鄂
模廣數十里又東北流百里有布勒哈爾台
河南自達爾湖喀喇巴冷孫地之池水東北

流來會又東北入鄂勒昆河

又西北流塔米爾河入之

臣秋濤謹案鄂爾坤河又西北流五十里有

鄂歸池水自東南來會又西北有塔米爾河

自西南合數水東北流來會亦巨川也會典

圖說曰塔米爾河出中左末旗東南山東流

南北合數水經右翼中右旗察罕鄂倫河出

其西山東北流來會又東經額魯特前旗入

土謝圖汗部界入於鄂爾坤河水道提綱曰

他米勒河亦曰塔米爾河有南北兩源南源
出杭愛山北麓在鄂勒昆源之西者曰呵索
郭特河西北流百里許又在其西五十里者
兩澗北流而合又在其西南九十里者三澗
合而東北流有西北來二水皆會又東北始
曰他米勒河又北而會呵索郭特河皆杭愛
以北水也又東北會東南來一水其東卽蘇
巴勒干山又北經特禮布拉克地東受西北
來一小水又東北受西北來之朝穆多河又

東北經布拉干地南受西北來一小水稍東
有車車勒里克河自南來會又東北受西北
一小水又東北折而北流有一河合四水自
西來入之又東北與北源會北源出枯庫東
麓在杭愛山西北三百里有二澗東北流而
合又北會東南來一水又東北而三澗自西
北合而東流稍北來會又東北會西北來一
水又東會南來一水又東北會西北一水始
曰他米勒河北岸連山卽哈瑞河諸源也又

東流受北一水又東有一河西南自哈龍恩
格勒山東北流合二水來會又東瀦爲台魯
勒倭黑池廣數十里中有一山又東流有察
罕烏林河自西北來會其南岸卽布拉干北
山也疑卽和甯又東北百數十里而南源自
西南來會又東曲曲百里折而東北百里會
鄂勒昆河此水兩源俱五百餘里始合又二
百里入鄂勒昆自杭愛山以北枯庫嶺以東
諸泉皆匯入焉

又合數小水折東流經左翼前旗右翼左後旗
與土拉河會

臣秋濤謹案提綱曰鄂勒昆河又西北折東

北流有依蘭喀勒奇拉河合三水自西來入

之又東北折正北循庫庫齊老台山西麓百

里經西里布里都地之蘇都池東

齊召南曰池周十數

里又西南有小池又西百里即巴顏濟魯克山連峰不斷

又北受西一小

水折而東北循西北麓有濟蘭崇古魯克河

自西北賽堪山東南流來入之

齊召南曰賽堪山甚高大

即巴顏濟魯克山之北行正幹又
折而東北為厄勒黑圖諸山者
又東經納

鄰庫勒墨地南受北一小水又東北至山麓

有厄魯墨河北自厄魯墨得衣山池水南流

來入之齊召南曰池水以北隔山又東經都

闕哈喇地北出山齊召南曰即庫庫齊老台山之麓此山自南而北折

而東長二百數十里當鄂勒昆東南岸其東有溫泉有哈兒渾木克河

自東南來會又東流稍北曲曲四百里

有哈噶思三因杜魯河西北自布昆沙勒山東南

流合一水來會齊召南曰山即西承阿魯墨得衣及西拉口山東北大幹

又東北爲布龍山以
又東而土喇河自南合
界色楞格南岸者

喀魯忒哈河北流來會會典圖說曰土拉河

出土謝圖汗部右翼左末旗南流西納哈拉

圖魯河紅郭爾河經中旗折西流經庫倫又

經中右末旗中右旗喀嚕哈河出左翼中左

末旗北流經中左旗來會又北流經右翼左

旗入鄂爾坤河提綱曰土喇河卽圖拉河發

源喀爾喀中部敖嫩河源之西南百數十里

許忒勒兒几嶺之西曰圖拉色禽

齊召南曰
西七度八

分其東隔山即流入克魯倫之忒勒兒几河源也極四十八度五分西南流六

十里與北源之出嶺北小肯忒山南流百餘

里曰喀拉秃魯河會齊召南曰北源隔山東北八十里即敖嫩色禽

也西八度極四西南流九十里有哈奚河自十八度八分

西北合東來喀拉鄂模水西北來空烏魯河

東南流來會又南五十里有噶拉泰河自東

南大山西流來會齊召南曰山即噶拉泰嶺北自肯忒山忒勒兒几嶺

綿亘而南又南折而西為斂拉薩山其東水皆流入克魯倫其西水皆流入土喇此山又西南為興安嶺為阿不達拉太山南臨大漠又西為杜蘭喀喇山綿亘土喇河之南岸又

西北至會喀魯忒哈河又西南經啟拉薩山處而止首尾千有餘里

西麓又西南有阿拉克他河自北來入之又

西南有特勒兒即河自西北大山合東占河

二水東南流又合東北虧羅河來入之齊召南曰

山即肯忒山之西南大幹綿亘不斷又西南為阿達海嶺為色兒必嶺又南經

興安嶺西支阜曲曲折而西流經厄圖克山

南麓其南岸即昭莫多地齊召南曰在興安嶺西百里河岸平

地其西曰巴顏朱拉克山聖祖北征擊殲噶爾丹

勒銘處也折西北曲曲流又折而西經汗山

東北麓有坤河自南來會

齊召南曰汗山在昭莫多西三十里

亦曰憇山為喀爾喀中部駐牧地山之東麓有坤河自南來北入土喇河

又西有

烏里牙思太河自北大山來入之又西有色

兒必河自北來入之

齊召南曰即色兒必嶺東北麓水也

又西

至色兒必嶺南麓曲曲西南二百數十里至

杜蘭喀拉山之北

齊召南曰杜蘭南即大漠西十度極四十七度五分

杜蘭喀喇南經甯夏九度經套北陰山六度

隨山折而西北流

齊召

南曰南岸即杜蘭支阜綿亘北岸即色兒必嶺支阜又北行為查木勒山

曲曲四

百餘里有喀魯忒哈河自西南合數水東北

流來會亦巨川也

齊召南曰喀魯忒喀河源出平地在甕金河之北二

百里鄂爾昆河北折之東四百里西十二度極四十六度七分有二泉西北流而合又西

北百餘里有一水西南自科洛爾昆山東北流百里來會山在額勒德尼昭之東南九十

里又北流經昆庫勒山西折東北經科克內山西又北流折而東北曲曲數百里與土喇

河會水口東即查木勒山西麓也此水源流長七百里西十一度四分極四十八度四分

土喇河又東北折而正北流三百里而鄂勒

昆河自西來會

齊召南曰西十一度四分極四十九度此水源流長一千

六百
里

又東北經右翼左旗北合二水南與哈拉河會

臣秋濤謹案提綱曰鄂勒昆河又東北經卽
拉哈卽圖布拉克地南有西拉說博太河北
自布龍山南支阜合三水南流來入之又東
北經喀里呀拉山西南麓中有大洲又北流
有衣本河自西北布龍山東南阜合三水東
南流來會又東北循山有哈拉河自東南合
數水北流來會亦巨川也會典圖說曰哈拉
河上源曰通克拉河亦出右翼左末旗南流
經庫倫南納魁河折西流經右翼右末旗北

納哈達瑪爾山水南納多拉錫山水博羅河

折北流注鄂爾坤河提綱曰哈拉河源出土

喇河北與汗山相對之色爾必嶺之北麓曰

揆河二澗合而北有那林河自西南來會又

北有布勒哈泰河自西來會又北有阿達海

河自東南松納拉河自東來會又北有通勒

河東北自阿即肯忒山之西麓合三源西南

流來會又北折西北流有一河自東北合數

水來會又西經拖羅什山北哈達圖兒山南

有博羅河自南會又西北有查克杜兒河自西南會又西北折正北流經杜拉孫那拉酥查克丹地之東大松嶺也又北經喀里呀拉山東麓又北入鄂勒昆河此水源流六百里又北流伊遜河入之又北流齊雅圖河入之又北與色楞格河會

臣秋濤謹案提綱曰鄂勒昆河又東北有衣魯河自東南合三水來入之又西北流至布龍山東北支阜而色楞格河自西來會自源

至此曲折二千餘里按衣魯河當卽伊遜河
別名其齊雅圖河則提綱遺之當據會典圖
說補正也

楚庫河

楚庫河爲中國與俄羅斯分界之水源出陽阿

林

臣秋濤謹案水道提綱曰楚庫河爲俄羅斯

及喀爾喀界源出喀爾喀阿卽格肯特山之
北麓隔山之南卽土喇河源隔山東南卽敖

嫩色禽也凡三源東北流百餘里而合

自俄羅斯境西流經中國土謝圖汗部卡倫外
右翼左末旗東北山諸水皆北流出卡倫匯焉

臣秋濤謹案水道提綱云又東北行平地中曲
曲三百餘里有一河合三水自東南大山來會
折西北流百餘里有一河合二水自東南大山
來會按提綱所記水皆無名又言楚庫河水東
北流亦與地圖不合今據圖訂正

臣秋濤謹案楚庫河自俄羅斯境西流至明

几卡倫外庫謨里河自卡倫東三源並發東
北流來會楚庫河又西過庫布倫台山南俄

羅斯境山也又西南流納雅魯哈當蘇河是
河自明几卡倫西南三源並發出卡倫外北
流入焉楚庫河又西流有一水自烏雅勒喀
卡倫內發源出卡倫東來會楚庫河又西逕
卡倫北有阿魯齊都勒河自肯特山北發源
合二水北流來會楚庫河又西流有一水發
源肯特山北流至庫德里卡倫東來會楚庫
河又西過庫德里卡倫北有哈扎河出博羅
努特山北東北流至卡倫西入於楚庫河

轉北流入俄羅斯界

臣秋濤謹案楚庫河折北流逕俄羅斯伊拜商西又北流逕鄂伯爾齊都勒拜商西

又西北流有齊蘭河自南來入之

臣秋濤謹案齊蘭河出齊蘭卡倫外北流入於楚庫河

又西北流逕楚庫拜商南又西流與色楞格河

會

臣秋濤謹案水道提綱云又西北曲曲流三

百數十里經楚庫城南而西入色楞格河

會 克穆河

克穆河出托羅斯嶺

臣秋濤謹案克穆河一作克木河一作客木

河在唐努烏梁海旗境乃俄羅斯國伊聶謝

河之上源也元史謙河亦卽此水或以昂噶

喇河爲謙河失事實矣托羅斯嶺在穆遜山

西北嶺之陰爲俄羅斯界嶺之陽爲中國界

曰華克穆河南流陶托泊水入之

臣秋濤謹案華克穆河出托羅斯嶺南麓南流經哲布尊丹巴呼圖克圖門徒所屬烏梁海三佐領之西又南流陶托泊水自東來匯陶托泊水源出穆遜山西麓兩源並發合流曰烏魯河西流瀦爲陶托泊和金哈河匯其北有二水匯其南復從泊西北流出入於華克穆河此地卽元時撼合納部舊壤也按元史載撼合納部在烏斯之東謙河之源出此其境上惟有二山口可出入撼合納猶言布

囊蓋口小腹巨地形類此因以爲名山水林
樾險阻爲甚野獸多而畜產少貧民無恒產
者皆以樺皮作廬帳以白鹿負其行裝取鹿
乳採松實及劘山丹芍藥等根爲食卽此河
源所經也亦作慙合納部

轉西流布斯河入之又西多集瑪河入之

臣秋濤謹案華克穆河折西流經扎薩克圖
汗部所屬烏梁海一佐領之西北又西流布
斯河出章哈山北麓自南來匯又西多集瑪

河自北來匯

又西特里泊水入之

臣秋濤謹案特里泊水出唐努山北麓西北

緒爲泊又西北流自南來入於華克穆河

又西哈爾吉河入之又西扎噶泊水入之

臣秋濤謹案華克穆河又西流哈爾吉河自

南來匯又西流有扎噶泊周數十里當唐努

山北近吉里克卡倫隔山之東緒爲泊其水

東北流哈拉穆楞河自東南來匯又東北流

自南入於華克穆河

又轉北流

臣秋濤謹案華克穆河折而北流經扎薩克

圖汗部所屬烏梁海一佐領境納東來一小

水其西岸當卽元謙州舊壤也考元史言謙

州亦以河爲名去大都九千里在吉利吉思

東南謙河西唐麓嶺之北居民數千家悉蒙

古回紇人地沃衍宜稼唐麓嶺卽今唐努山

謙河至此折而北流故謙州得在其西矣

貝克穆河自東北合諸水來會

臣

秋濤謹案華克穆河北流約四百里許而

會貝克穆河自發源至此已一千一百餘里
矣貝克穆河源亦出托羅斯嶺南麓在華克
穆河源之西水南流瀦爲伯魯克泊復南流
博爾魯克河自南來匯折西流阿薩斯河亦
出托羅斯嶺瀦爲圖集泊從泊中流出自北
來會又西流庫克穆河自南來匯又西流哈
彥薩拉克穆河出托羅斯嶺西麓瀦爲特爾

里克泊復從泊中流出與北來之伯集克穆
河合自北來入於貝克穆河貝克穆河又西
流納南來一水及北來之鄂克穆河又西流
納南來一水及北來之伊博克河又西與華
克穆河會貝克穆河自發源至此凡五百餘
里匯有名之水七亦巨川也元史云東北有
水曰玉須會於謙而注於昂可刺河玉須水
當卽貝克穆河矣

二水旣合曰大克穆河又西流圖蘭河入之

臣秋濤謹案圖蘭河出塔爾噶克山西南麓南流合西北來之鄂克河又南流自北入於大克穆河元之益蘭州當在圖蘭河旁考元史言謙州益蘭州距大都皆九千里二州之境相距不甚遠也

又西流左右各納數小水

臣秋濤謹案大克穆河又西流謨什克河巴拉克河皆自南來入之又西流烏蘭烏蘇河自北來入之又西流謨和爾阿拉河自南合

一水來匯又西流額錫穆河自北來匯又西
流察漢河拉爾河自南合一水來匯又西流
特穆爾烏蘇河自北來匯又西流扎庫爾河
又自南合三水來匯

又折北流克穆齊克河自西來會

臣秋濤謹案克穆齊克河出唐努山北麓其

南隔山卽烏布薩泊也克穆齊克河東北流
巴爾魯克河自南合一水來匯又東北阿克
河自西來匯又折東流北納一小水南約集

又爾噶瑚河又東流北納一小水南納扎達克
河又東流入大克穆河提綱以此水爲克穆
河西南源長五百里

又北流達俄羅斯國界噶哈爾河自西來入之
又北流烏斯河自東來入之

臣秋濤謹案大克穆河又北流其西岸曰克
穆克穆齊克博穆山乃中國與俄羅斯交界
處也又北流噶哈爾河自西來入之噶哈爾

河出中國境鄂爾噶汗山之北麓北流達俄

羅斯界折東流入大克穆河大克穆河又北

流有烏斯河自東來匯烏斯河出塔爾噶克

山北麓

水道提綱記烏斯河發源處云卽呼孫古兒湖之西隔山在杭愛山頂北

六百餘里自東南合三水西北流七百餘里來會

卽元烏斯部舊壤也按元史烏斯亦因水爲

名在吉利吉思東謙河之北其俗每歲六月

上旬刑白馬牛羊灑馬漚咸就烏斯水以祭

河神謂其始祖所從出也

又西北流逕烏邁圖喇東

臣秋濤謹案烏邁圖喇蓋卽元吉利吉思部
舊壤也考元史云吉利吉思南去大都萬有
餘里相傳乃滿部始居此及元析其民爲九
千戶其境長一千四百里廣半之謙河經其
中西北流又西南有水曰阿浦東北有水曰
玉須皆巨浸也會於謙而注於昂可刺河北
自入於海俗與諸國異其語言則與畏吾同廬
帳而居隨水草畜牧頗知田作遇雪則跨木
馬逐獵土產名馬白黑海東青覈其所居蓋

古黠戛斯境知克穆河卽劔河矣

又北流阿努河自中國發源合阿穆哈河諸水

自西南來會

臣秋濤謹案大克穆河又北流六百餘里合

阿努河阿努河卽元史之阿浦河也詳阿努

河篇內

又北流逕阿穆哈拜商東又折東北流曰伊聶

謝河又東流與昂噶拉河會

臣秋濤謹案阿努河與阿穆哈河合通稱阿

穆哈河及與大克穆河合俄羅斯人仍呼爲
阿穆哈河故拜商卽以是爲名折東北流六
百餘里曰伊聶謝河又東流逕伊聶謝柏興
南與東南來之昂噶拉河會又北入於海詳

見色楞格河篇內

阿努河

阿努河出唐努烏梁海旗北鄂爾噶汗山

臣秋濤謹案鄂爾噶汗山在唐努烏梁海旗

西北阿努河及察罕米哈河阿穆哈河皆出

其北麓

北流察罕米哈河入之

臣

秋濤謹案察罕米哈河發源鄂爾噶汗山

北麓

臣秋濤謹案在阿努河源之東

北流逕敖蘭烏納瑚山

西

臣秋濤謹案山之東即三音諾顏部所屬烏梁海十三佐領也

又北流折

西北流入阿努河

又北流阿穆哈河入之

臣

秋濤謹案阿穆哈河發源鄂爾噶汗山西

北麓

臣秋濤謹案在阿努河源之西

北流逕烏梁海十佐領

之東

臣秋濤謹案其西即哈屯河科布折而多所屬阿爾泰諾爾烏梁海境也

東北流入阿努河

又北流達俄羅斯界過烏邁圖喇西境

臣秋濤謹案阿努河東距烏邁圖喇約二百

里

轉東北流南北各納一小水又東北流衛巴特

河入之

臣秋濤謹案衛巴特河出托穆斯科東境山

其發源處距托穆斯科約四百里東流入阿

努河

又東北流逕阿穆哈拜商南

臣

秋濤謹案阿努河與阿穆哈河合故互受

轉通稱也

又東流入於克穆河

臣

秋濤謹案阿努河即元史之阿浦河也近

人有謂阿努河入額爾齊斯河而轉疑元史

所記阿浦會謙河為誤者蓋未詳考諸水之

源委爾克穆河下游會色楞格河入北海詳

見前

朔方備乘卷二十五

知縣林 穗初校
知縣丁 紹基覆校